



明
弘治
卷
1-674
1-49

嘉興府志



嘉興府志

嘉興府志
光緒丁丑秋月開
雕戊寅季夏竣工
版藏鴛湖書院

重修嘉興府志序

國朝浙江通志開局於雍正九年李敏達進呈於乾隆元年
嵇文敏迄今百有四十年矣其間因革損益更僕難數
兵燹之餘載籍失散中興之政百度維新及時纂輯無
可再緩於是當軸有續修省志議而徵文攷獻憑藉有
資省必先以府府必先以縣理也同治十三年秋檄縣
修志期其爲府志先也乃事越年餘惟海鹽王令延徐
太僕編次成書餘若善平石桐方議勗始而告竣需時
嘉秀諸紳又以切近郡城擬附府志而暫行緩修勢不
得不急修府志以振各縣之綱領考舊志始於宋淳熙



甲午郡守張元成而其書不傳岳珂擬重修又未竟去
任元代郡經歷單慶亦命徐碩爲之而版復未鋟今之
託始者卽以至元一志爲最著明則柳邦用修於宏治
朝鄒衡補於正德朝趙瀛修於嘉靖朝劉應鈞修於萬
曆朝蓋三百年之久凡三修而一補也

本朝至今已四修康熙辛酉修者袁國梓庚子修者吳永芳
嘉慶庚申修者伊湯安道光庚子修者于尙齡袁志未
得見吳志亦尙簡畧最詳贍者莫如伊志雖其中田賦
散不合總鹽法與兩浙鹽法志有舛武備紀兵事只載
倭寇未免踈漏然朝章國憲搜索靡遺軼事前聞網羅

殆遍蓋時當乾嘉之際宇宙重熙累洽人文達主持風
雅於兩浙禾中英才輩起讀書攷古有本有原其體製
典核華麗粹然可觀宜哉于志承伊志而變之削引用
之原書刪紀載之始末遺賦役之細款收浮薄之藝文
裁官師之列表采私家之骨董識者譏之第由嘉慶初
至道光中四十年間之掌故經亂而足資考證實賴存
其梗概焉此次重修原本伊志而稍爲折衷亦擇善而
從之意爾考古地理之書多名圖經所重在山川方域
也茲境圖則水道加詳城圖則橋梁亦載瞭如指掌似
較前志爲密伊志首

天章次

巡典蓋依熱河志例茲首

巡典次

天章則謹遵

南巡盛典例竊以爲熱河志乃出自

欽定盛典則撰自臣工也伊志城池門只載今城茲移古城於前而仍註其詳於古蹟流虹一亭古蹟也伊志載入學校茲改歸古蹟而第存其名於學校鴻博召試特科也伊志統歸於選舉表中之上列似非所以昭異數茲另標表前而彭美門之名次不以海鹽而抑以憲綱使居

嘉興與舉諸人之後所以崇

欽取也列傳門類悉從伊志而兩廡先儒則從于志特表於前凡此數端皆與伊志異者至金石一門分金分石而附之以甄此不獨與舊志異并與各金石之書異然而名與實符矣若高文恪本錢塘籍而舊入平湖錢文端嘉興籍也而其母南樓老人入海鹽屠叔方秀水籍也其母項氏入嘉興屠正嘉桐鄉籍也其母徐氏入秀水各賢母傳此中應別有原委仍從伊志不事更張焉顧近今以來時事變遷法度亦與之俱變所謂見聞異辭者非歟學額則有暫廣永廣矣漕運則有漚兌津收矣漕

政則有票運綱引矣郵傳則改用代馬船遞矣武備則有激乍水師之增矣營制則有減兵增餉之舉矣權宜募勇則有砲船水師之分防矣算緡助餉則有釐局之坐賈行商矣善後各政前因夷燬後有粵匪內既修平浙之書外更講通商之約嘉興切近海口地產蠶桑野堪雉兔華人時與洋人交錯而教民又構煽於中海防邊事官此者自宜慎之又慎故於武備之後附記中外交涉事件雖前志所未有然郝玉麟之修廣東志也以粵中市舶駢集特列外番一門識者稱其與通典述邊防而兼及海外諸國之意合是前哲固早已慮及之矣

又兵事之末談及槍匪或疑蟻蝨之害無關痛癢不知袁志序文云一二不逞之徒磨牙礪角日相尋於錐刀鋒刃之利而其類從之日以成俗豈種蠶之遺未盡漸滅一再變而至此司世教者所宜感嘸而痛念之由斯言觀之博徒鹽梟之倚船弄兵康熙時卽有此莠慝匪自今日始也瑤痛殺數百人風稍熄矣而懲前毖後念念難忘筆之亦將以爲來者告耳且夫揚州舊域厥土塗泥厥田下上厥賦下上錯七邑幅幘截長補短徑方不過百里而額銀五十六萬額漕五十八萬各有奇民力頗形竭蹶同治四年恭逢

恩詔減漕挽歷朝積重之勢而轉之使輕蠲米之數至十四萬石有奇億萬家生民氣脈霍然一蘇已屬千載一時之盛而嘉善復免賠虧焉七邑又減貢絲焉同治三年粵逆盪平四年試征未荒未歉之熟田奉蠲三成焉凡此超今邁古之曠典一時並集閭里歡欣鼓舞而瑤適躬際其休雖俗吏無文未能潤色鴻業然莅茲土者已十有五年於茲爲從前官師表中所無涓埃未報未免載筆躊躇仰惟

聖天子涵濡黎庶深仁厚澤鏤心刻骨何敢稍事疏忽於是詳稽官牘備載本末所謂中興之政百度維新者不其然與不其然與夫足兵足食有關國計民生者爲識大其名宦人物各類爲識小李敏達通志序文嘗言之矣此志八十八卷而列傳至叢談合三十八卷居全書十之四中如忠義列女又占十七卷衡以前人未大於本同乎家牒之議似欠裁汰然地志之中增以人物太平寰宇記已開其端元明以來踵事增華勢難遽返矣况復咸豐庚申之亂秀州士女抗節赴義實繁有徒自甲子克復以來已十五閱寒暑而杭省採訪尙未撤局京師言官時有奏陳蓋食毛踐土感恩衛國書之以扶世勗教具在乎此省中旣編爲錄郡志備載其名忠義一門

詎得謂為過濫乎至若傳之可合者合之誤之當釐者

釐之

如桐鄉孝義載檀郁實係桐城嘉善古蹟載玉山實係雲間之類

工時藝者不登

文苑歸大雅焉非占籍者不入寓賢防再冒焉亦復以嚴謹為事矣列女接仙釋後通志舊例也茲於方外後間以忠義以示有別諸紳耆之雅意深哉是書計用經費番銀八千數百餅三成奉發公帑七成就地籌款始事於乙亥孟冬告竣於戊寅季夏稽之案檔者瑤與委員吳縣秦嘉樂主之而旁考於文武寮案小引乃瑤一人撰也待乎採訪者嘉秀列傳撰於秀水恩貢生盛慶瑞嘉善各門撰於教諭汪繩武海鹽各門錄徐太僕用

儀

所撰及副貢生徐

用福

所采輯平湖則舉人葉

廉謬

拔貢生高

掄元

撰石門則舉人譚

逢仕

撰桐鄉則嚴刑

部辰

撰至經籍藝文則嘉興舉人陳

其榮

金石叢談祥

異兵事則嘉興廩生石

芳采

節孝則桐鄉廩生嚴

文浩

諸人之力居多而統其成者吳山長

仰賢

焉採訪校刊

各紳均列其銜名於左

光緒四年戊寅六月三品銜補用道浙江嘉興府知府

善化許瑤光撰

重修嘉興府志序

郡之有志所以備掌故誌沿革而治亂興衰之迹未嘗不寓其間故採風者恆以時修輯不敢緩也然舉行於承平之世爲易若經兵燹流離文獻缺乏之後而欲網羅散失以接續前志則其爲功也甚鉅而其致力也較難攷嘉禾之有志自至元始而紅羊之劫亦惟元末爲烈

國朝定鼎下江南其於我郡式遏亂略而已迨咸豐庚辛間遭寇蹂躪所在蕩如書籍有煨燼之憾老成多凋謝之悲凡昔時古蹟名勝金石刻畫之僅存者咸歸銷滅蓋

視楊完者苗兵之禍殆有甚焉歲甲子天心厭亂郡治
恢復善化許公來守郡戢奸慝撫瘡痍日不暇給而

朝廷方念東南士民苦寇久矣於是漕賦則減征學校則增解
營制兵馬亦多所變易期於衛民而止公更推

國家所以與民沐浴更化之意養教兼施百廢具舉癸酉報
政於

朝

天子命仍葺舊治至則益以扶正教拒邪說爲己任政暇乃進
都人士而告之曰郡志修於道光庚子今版片無存舊
者將湮而新者未續其曷以資考鏡昔至元志成於甲

申閱一百四十有九年至明宏治壬子而柳志繼之我
朝康熙辛酉袁公始輯新志距明萬厯庚戌劉志亦閱七十
有二年中皆洊厯喪亂紀載散逸然至元以後啟禎以
前事蹟卒賴此二書以存今庚子至今僅三十餘年耳
其大者時政之有損益頒諸令甲職掌在余簿書冗闕
不克躬自彙葺於郡掾中求敏於識果於事者得秦君
嘉樂綜聚而剟錄之喜稱事惟是二三前哲其政績行
誼久孚衆望者宜分別甄錄以垂示無窮斯邦人之責
也於是七邑之士退而各蒐葺舊聞條分件繫以上於
公而取裁焉書旣成公命賢爲之序賢不敏於纂修事

無所効長然幸與參末議辭不獲命謹發明公刊志之
故使後之覽者幸劫火之不蝕慶

皇澤之維新則我郡今日誠治亂興衰絕續之會也夫嘉興吳

仰賢撰

重修嘉興府志銜名

總修

三品銜補用道嘉興府知府許瑤光 湖南善化縣人

協修

三品銜補用道浙江候補知府王維圻 江蘇上海縣人

浙江候補知府郭慶藩 湖南湘陰縣人

三品銜升用道浙江候補知府彭慰高 江蘇長洲縣人

道銜浙江候補知府史書青 江蘇溧陽縣人

知府銜嘉興府乍浦同知徐 臯 貴州黔西州人

知府銜嘉興府通判鄭彤書 江蘇上元縣人

補用同知署嘉興府通判事張毓麟 湖南善化縣人

分修

同知銜嘉興縣知縣羅子森 廣東南海縣人

同知銜署嘉興縣事候補知縣張彝 四川仁壽縣人

四品銜嘉興縣知縣臧均之 山東諸城縣人

同知銜署秀水縣事候補知縣徐傳冕 江西豐城縣人

四品銜補用同知署秀水縣事正任錢塘縣知縣沈寶恆 江蘇元和縣人

同知銜秀水縣知縣黃兆槐 江西新城縣人

知府銜正任定海同知署嘉善縣事史致馴 江蘇陽湖縣人

同知銜嘉善縣知縣梁琛 河南河內縣人

同知銜署海鹽縣事候補知縣王彬 福建閩縣人

同知銜海鹽縣知縣司開先 河南長葛縣人

補用知府正任中防同知署平湖縣事姚光宇 江蘇溧陽縣人

補用知府候補同知署平湖縣事正任富陽縣知縣許嘉德 江蘇華亭縣人

同知銜平湖縣知縣彭潤章 貴州黃平州人

同知銜石門縣知縣余麗元 安徽婺源縣人

同知銜桐鄉縣知縣龔鳳岐 江西義甯州人

兼分纂事嘉善縣教諭汪繩武 杭州錢塘縣人

兼分纂事升用知縣浙江候補縣丞秦嘉樂 江蘇吳縣人

總纂

前署雲南迤東道候補知府吳仰賢

嘉興人
王子翰林

分纂

甲辰科舉人葉廉鏞

平湖人

乙丑補行辛酉壬戌科舉人譚逢仕

石門人

丁卯並補甲子科舉人陳其榮

嘉興人

兵部主事武選司行走錢發榮

嘉興人
附生
海鹽人

副貢生徐用福

秀水人

恩貢生盛慶瑞

秀水人

拔貢生高掄元

平湖人

廩貢生候選訓導嚴文浩

桐鄉人

廩膳生石芳采

嘉興人

採訪

內閣中書銜嘉興府教授嚴嘉榮

山陰縣人

嘉興府訓導莊振英

鎮海縣人

嘉興縣教諭查耀乘

海甯州人

五品銜嘉興縣訓導王震元

仁和縣人

內閣中書銜秀水縣教諭魏焜棟

仁和縣人

秀水縣訓導張書訓

烏程縣人

國子監典籍銜嘉善縣訓導張鼎元

仁和縣人

內閣中書銜海鹽縣教諭傅賚予

蕭山縣人

署海鹽縣訓導事候選訓導陳書

浦江縣人

內閣中書銜平湖縣教諭傅商霖

西安縣人

署平湖縣訓導事候選訓導王宗訓

麗水縣人

石門縣教諭高學治

仁和縣人

石門縣訓導馬捷先

餘姚縣人

桐鄉縣教諭魏熙元

仁和縣人

桐鄉縣訓導查光華

海甯州人

浙江候補驛丞林孝斌

福建閩縣人

原任江蘇陽湖縣知縣張清華

秀水人

記名內閣中書王朝瀚

丁卯並補人

己未科舉人楊象濟

秀水人

己未科舉人顧福仁

嘉善人

丁卯並補甲子科舉人錢清炤

秀水人

癸酉科舉人張義增

嘉善人

癸酉科舉人孫興壽

嘉善人

候選訓導倪廷藻

嘉興人

候選訓導孫融

秀水人

候選訓導王駿

秀水人

候選訓導唐敦墀

秀水人

歲貢生徐厚

嘉興人

職 貢 生屠以銓 嘉善人

職 貢 生許元杰 嘉善人

歲 貢 生陳宗溥 嘉善人

歲 貢 生徐燧森 嘉善人

廩 膳 生屠樹榮 秀水人

廩 膳 生胡其彬 嘉善人

附 貢 生倪元釗 嘉善人

增 廣 生許鼎齋 秀水人

生 員陸費烜 桐鄉人

生 員范宗文 嘉善人

校勘

內 閣 中 書程宗伊 嘉興人 癸酉舉人

候 選 訓 導王福祥 嘉興人 附貢生

廩 膳 生凌和鈞 嘉興人

廩 膳 生陶玉珂 秀水人

生 員曹維城 嘉興人

監 生王宜祿 嘉興人

繪圖

浙江 候補 縣丞顧緒洪 江蘇長洲縣人

兼 校勘 事 生員沈桐閏 嘉興人

嘉興府志總目

卷首一

巡典

卷首二

天章

卷一

圖說

星野

卷二

建置

卷三

疆域 形勝附

卷四

城池 坊巷市鎮附

卷五

橋梁

卷六

公署一

卷七

公署二

卷八

學校一 書院義塾附

卷九

學校二

卷十

壇廟一 祠祀附

卷十一

壇廟二

卷十二

山川一

卷十三

山川二

卷十四

古蹟一 園宅附

卷十五

古蹟二

卷十六

坊表

卷十七

冢墓

卷十八

寺觀一

卷十九

寺觀二

卷二十

戶口

卷二十一

田賦一

卷二十二

田賦二

卷二十三

蠲卹一 養育附

卷二十四

蠲卹二

卷二十五

倉儲

卷二十六

漕運 海運附

卷二十七

鹽法

卷二十八

郵傳

卷二十九

水利

卷三十

海塘

卷三十一

武備 海防 歷代兵事附

卷三十二

農桑

卷三十三

物產

卷三十四

風俗

卷三十五

祥異

卷三十六

官師一

卷三十七

官師二

卷三十八

官師三

卷三十九

官師四

卷四十

官師五

卷四十一

官師六

卷四十二

名宦一

卷四十三

名宦二

卷四十四

選舉一

卷四十五

選舉二

卷四十六

選舉三

卷四十七

選舉四

卷四十八

選舉五

卷四十九

選舉六

卷五十

列傳一 嘉興

卷五十一

列傳二 嘉興

卷五十二

列傳三 秀水

卷五十三

列傳四 秀水

卷五十四

列傳五 嘉善

卷五十五

列傳六 嘉善

卷五十六

列傳七 海鹽

卷五十七

列傳八 海鹽

卷五十八

列傳九 平湖

卷五十九

列傳十 平湖

卷六十

列傳十一 石門

卷六十一

列傳十二 桐鄉

卷六十二

列傳十三 方外

卷六十三

忠義

卷六十四

列女傳一

卷六十五

列女二

卷六十六

列女三

卷六十七

列女四

卷六十八

列女五

卷六十九

列女六

卷七十

列女七

卷七十一

列女八

卷七十二

列女九

卷七十三

列女十

卷七十四

列女十一

卷七十五

列女十二

卷七十六

列女十三

卷七十七

列女十四

卷七十八

列女十五

卷七十九

列女十六

卷八十

經籍一

卷八十一

經籍二

卷八十二

藝文一

卷八十三

藝文二

卷八十四

藝文三

卷八十五

藝文四

卷八十六

金石

卷八十七

叢譚

卷八十八

舊志敘錄

嘉興府志卷首一

巡典

康熙二十八年二月

聖祖仁皇帝南巡自蘇州啟

鑾至嘉興

駐蹕水營次日自嘉興啟

鑾幸杭州

回鑾過嘉興

駐蹕如前

是月奉

諭頃經維揚民間結彩歡迎盈衢溢巷雖出其恭敬愛戴之誠恐致稍損物力甚爲惜之前途經歷諸郡縣宜體朕意悉爲停止又見百姓老幼男婦奔走雜遝瞻望恐後未免喧嘩擁塞念此行原以爲民不嚴警蹕但人眾無所區別高岸水次或有傾跌之虞此後止於夾道跪迎勿得紊亂追趨致有諸患又

諭政治所先在崇文教江南浙江爲人文萃集之地入學額數應酌量加增永昭宏獎自南巡以來所經過地方官員凡因公誥誤降級留任者俱准與開復降級調用者著帶所降之級留任其經過地方見在監禁人犯自康熙二十八年二月十一日以前死罪及軍流徒罪以下已結未結俱著寬釋以示赦宥宥過之意又

諭近見民間有建立碑亭稱頌德意者雖出羣黎感戴之誠但恐各郡皆然未免致損民力誠使閭閻殷阜則裨益良多碑亭何與焉嗣後亦宜停止江浙錢糧旣經蠲豁猶虞有不肖有司借端詞訟朘削民生著該督撫嚴行禁飭

三十八年三月

聖祖仁皇帝南巡自蘇州啟

鑾至嘉興

駐蹕水營次日自嘉興啟

鑾幸杭州

回鑾過嘉興

駐蹕如前

是月奉

諭頃至蘇州府駐蹕浙江文武官吏及在籍官員有迎謁于行在言浙民望幸之心至殷且切合詞諄懇不啻再三朕勉徇輿情揚旌前發以三月十九日啟行自京師以來一切供御之需皆出儲備其沿途日用令該衙門照各地方時價採辦一無所累於民如有官吏借名科派致擾閭閻者察實以軍法從事地方大小文武官員與扈從官員借稱親舊私相餽

遺與受之人及扈從大小官員隨從人等有橫行生事者一並軍法從事凡經過地方百姓各安生業皆如常時務令屬無廢市隴不輟耕毋得違遽引避方今正屆農時所過田畝勿令踐踏其軍民人等懷挾私怨受人指使擅於駐蹕處所輒行告訐者一概嚴禁不准仍照衝突儀仗例嚴加治罪又諭頃自江南巡歷浙省沿途供御悉經儲備不以纖毫取辦閭閻而地方官料理夫船等項一無缺誤殊屬勤勞此等官員有因公誥誤罰俸住俸降俸降級革職留任者著察明悉從寬免又

諭朕巡視東南行次浙省因官吏軍民依戀誠懇特留蹕數日

以慰喁喁之情獨念獲罪人犯身淹刑獄一干法網無由自新茲乘輿經臨惻然矜憫用沛好生之澤聿示格外之仁該省各屬地方有犯罪現在監禁者除十惡等真正死罪及詔款不赦等罪與官吏犯贓不宥外其餘自三十八年三月二十六日以前死罪以下已結未結悉著寬釋四月奉

諭視河事竣巡歷江浙咨訪民間情形見淮揚一路旣因潦災而他所過州縣察其耕穫之盈虛市廛之贏絀視十年以前實爲不及此皆地方有司奉行不善不能使實惠及民朕目擊塵懷亟思拯卹截留錢糧寬免積欠另有諭旨惟各鹽差關差向因軍需繁費於正額外令在差官員以所私得贏餘交納充用今思各官孰肯自捐私橐勢必仍行苛取商瘠民困均坐此弊著將加增銀兩一概停罷以舒商民之累此外有應行應革事宜朕還都以後仍加商摧次第舉行該督撫藩臬皆地方大吏亦著細心體訪凡有可爲民興利除害者作速勘實陳奏嚴革雜派禁止刁訟然後胥吏不能作奸良民得以安業倘官吏有悖旨妄行許商民首告該督撫察出卽行叅奏又

諭江南浙江人文稱盛入學名數前已酌定增額今著於府學大學中學小學各增五名舉行一次以示獎勵人才至意

四十二年二月

聖祖仁皇帝南巡自蘇州啟

鑾至嘉興

駐蹕水營次日自嘉興啟

鑾幸杭州

回鑾過嘉興

駐蹕如前

是年恭逢

聖祖仁皇帝五旬萬壽三月回

鑾至京師

頒發

恩詔布告天下次年十月奉

諭昨歲南巡至浙江見其農桑徧野戶口繁殖閭閻氣象較勝于三十八年巡幸之時甚爲心慰浙省錢糧雖前此屢經蠲貸而車駕經臨應更敷恩寬恤俾民生益加充裕當回鑾以後卽擬免四十三年額賦因山東急賑災荒遂爾少緩曾頒有諭旨茲直省皆獲有秋特申前命康熙四十四年浙江通省應徵地丁銀米等項除漕糧外著俱行蠲免

四十四年四月

聖祖仁皇帝南巡自松江啟

鑾至嘉興

駐蹕水營次日自嘉興啟

鑾幸杭州

回鑾駐嘉興如前

是月奉

諭頃因親閱河工濟江而南至于浙省見民間生聚殷繁菜畦麥隴遠近彌望農事可冀豐穰朕心用以稍慰凡車駕臨幸之地必大敷膏澤以下逮黎元而各省錢糧屢次遞蠲浙江本年地丁銀米又經全免無可加恩惟是刑獄為民命攸關朕每當重罪奏讞之時深切矜恤今乘輿所至父老子弟夾道歡迎而身陷囹圄之人獨自新無路朕甚憫焉浙江福建

兩省康熙四十四年四月初八日以前凡犯罪詔款不應赦者外其餘死罪以下已發覺未發覺俱著減等發落四十二年秋審奉旨監候緩決者一併減等發落仍開具人數奏聞爾等其體朕為民巡省布德好生之意即詳慎察明遵行

四十六年四月

聖祖仁皇帝南巡自蘇州啟

鑾至嘉興

駐蹕水營次日自嘉興啟

鑾幸杭州

回鑾過嘉興

駐蹕如前

是月奉

諭頃因視河駐蹕淮上江浙兩省官員及地方紳士軍民咸環道遠迎懇請臨幸朕勉順羣情涉江而南循省風俗所至郡縣見雨暘應時麥苗蕃殖比閩樂業可冀盈寧雖山東一路尚未悉覩而江浙田疇鬱蔥在望深愜朕懷方今二麥垂熟正將刈穫之時一切扈從人員皆以次舟行不致蹂踏誠恐百姓沿途迎送老稚扶攜動盈千萬越阡度陌未免踐傷朕心甚爲軫恤雖民情依戀出於悃誠但農事方殷應令所過地方悉停止岸傍迎送且車駕來時小民業已瞻覲茲節候

漸熱朕舟行乘夜迎涼亦未可定民雖遠來無由親見爾等督撫可張示徧加曉諭使各知悉俾無負朕重農愛民之意

乾隆十六年二月

高宗純皇帝南巡自蘇州府吳江縣南斗圩

大營啟

鑾至嘉興府秀水縣北教場

大營

駐蹕次日啟

鑾經嘉興府城

幸煙雨樓三塔寺至桐鄉縣石門鎮

大營

駐蹕又次日啟

鑾幸杭州三月

回鑾至嘉興

駐蹕如前

先是十五年正月奉

諭明歲南幸江浙耗羨內未完銀兩全行豁免十月奉

諭江浙省各截留漕糧十萬石以資平糶之用又

諭浙省漕糧再截留五萬石俾糶用充裕民食有資至是年正

月奉

諭浙江一省節年以來並無積欠具見官民敬事急公之義著

將本年應徵地丁錢糧蠲免三十萬兩以示鼓勵又

諭各營汛兵丁有派辦差務者著查明賞給兩月錢糧又

諭承辦差務之文武官弁凡有罰俸住俸降級之案俱准其開

復其無此等叅罰案件者各加一級二月奉

諭本年歲試文童府學及州縣大學著增取五名中學增取四

名小學增取三名舉行一次

行在禮部奏嘉興府唐臣陸贄祠請遣官致祭奉

旨派刑部侍郎錢陳羣致祭三月奉

諭經過州縣男婦七十以上照從前恩詔之例分別賞資又

嘉興府志 卷首一
諭此次考中之謝墉陳鴻寶王又曾皆取其最精者且人數亦不多著加恩特賜舉人授爲內閣中書學習行走令其與考取候補人員一體補用仍准其會試

二十二年二月

高宗純皇帝南巡自蘇州吳江縣南斗圩

大營啟

鑾至嘉興府秀水縣北教場

大營

駐蹕次日啟

鑾經嘉興府城

幸煙雨樓三塔寺至桐鄉縣石門鎮

大營

駐蹕又次日啟

鑾幸杭州三月

回鑾至嘉興

駐蹕如前

先是二十一年閏九月奉

諭明春巡幸江浙所有供宿頓次皆出自帑項絲毫不以累民第扈從官兵以及外省接駕人等輻輳雲集經過地方錢米價值恐一時或至騰踊著將運京銅鉛兩省各截留十萬觔

添鑪鼓鑄減價發賣并將該兩省應運本年漕糧各截留五萬石減價平糶以裕民間日用至是年正月奉

諭乾隆二十一年以前積欠未完地丁銀兩概予蠲免又

諭錢陳羣從前在京供職勤慎今養病林居著加恩在家食俸以昭眷念舊臣之意二月奉

諭經過各州縣地方本年應徵地丁銀兩俱著加恩蠲免十分之三此內或有去秋被水歉收者蠲免十分之五又

諭辦差文武員弁任內罰俸住俸降級之案俱著加恩准其開復其無此等叅罰者俱各准其加一級又

諭男婦年七十以上者俱著加恩照從前恩詔例賞賚又

諭辦差兵丁俱著賞給兩月錢糧又

諭軍流以下人犯俱著加恩各予減等發落又

諭本年歲試文童照乾隆十六年例府學及州縣大學增取五名中學增取四名小學增取三名

行在禮部奏嘉興府唐臣陸贄祠請遣官致祭奉

旨派散秩大臣昭毅伯永慶致祭三月又

諭杭州至塘棲大營嘉興至桐鄉大營道里頗近併站駐蹕又覺稍遠下次著於塘棲桐鄉適中之地安立營盤又

諭浙江進獻詩賦考取一等之童鳳三陳文組顧震錢受穀著照乾隆十六年之例俱特賜舉人授爲內閣中書學習行走

與考取候補人員一體補用其二等之沈初等十二名著各賞緞二疋

二十七年二月

高宗純皇帝南巡自蘇州吳江縣吉慶寺

大營啟

鑾過嘉興府城

幸煙雨樓茶禪寺

謹案三塔寺是年至桐鄉縣石門鎮賜名茶禪

大營

駐蹕次日啟

鑾幸杭州三月

回鑾過嘉興復

幸煙雨樓

駐蹕吉慶寺

大營

先是二十六年十月奉

諭江浙兩省冬兌漕糧內各截留十萬石在於水陸駐蹕地方分廠平糶十一月奉

諭原任侍郎錢陳羣久歷卿貳兼直內廷年逾七十學問優裕前以養疴回籍有旨在家食俸用資頤養今來

慶祝召對之次見其神明不衰而居鄉素稱恪謹著加恩賞給

尚書銜以昭優眷至是年正月奉

諭自乾隆二十二年起至二十六年止所有積年災田緩徵及未完地丁各欠項照二十二年例概予蠲免二月奉

諭水陸經過地方本年應徵額賦俱著加恩蠲免十分之三或有去秋被水歉收者蠲免十分之五又

諭辦差兵丁著加恩賞給兩月錢糧又

諭辦差文武各官任內罰俸住俸降級之案俱著加恩准其開復其無此等參罰案件者著各加一級又

諭經過地方男婦年七十以上者俱著照從前恩詔例一體賞賚又

諭本年應試文章府學及州縣大學增取五名中學增取四名小學增取三名又

諭軍流以下人犯俱著各予減等行在禮部奏嘉興府唐臣陸贄祠得

旨遣官致祭如例三月奉

諭浙江進獻詩賦考取一等之進士孫士毅舉人汪孟錫俱著授爲內閣中書遇缺卽補沈初王鑾俱著特賜舉人授爲內閣中書學習行走與考取候補人員挨次補用其二等之李旦華等十三名著各賞緞二疋又

諭尚書銜錢陳羣原係刑部侍郎著加恩賞給刑部尚書銜是

年籍隸嘉興之尚書錢陳羣等恭迎

聖駕奉

旨錢陳羣賞緞四疋范璨賞緞三疋許王猷賞緞二疋諸錦陸樹本唐淮馮浩各賞緞一疋進獻龍井見聞錄之舉人汪孟錙賞緞二疋進獻書冊之監生朱芳藹賞緞一疋又奉旨錢陳羣之妻賞緞四疋

三十年閏二月

高宗純皇帝南巡自蘇州吳江縣吉慶寺

大營啟

鑾過嘉興府城

幸煙雨樓茶禪寺至桐鄉縣石門鎮

大營

駐蹕次日啟

鑾過石門縣城至海甯縣

駐蹕安瀾園是月自杭州

回鑾至石門鎮

大營

駐蹕次日至嘉興復

幸煙雨樓

駐蹕北教場

大營又次日

駐蹕南斗圩

大營

先是二十九年九月奉

諭江浙兩省冬兌漕糧內各截留十萬石在水陸駐蹕地方分廠平糶十二月奉

諭浙省將軍總督巡撫准其赴蘇迎接然亦不得遠越蘇郡其餘各官俱于本省嘉興交界處所祇候概不必出境至是年

正月奉

諭浙江一省額賦本較江南爲少其積欠亦屬無多著將乾隆

二十六七八三年因災未完地丁銀兩並二十七年屯餉沙地公租二十六七兩年未完漕項等銀一十三萬二千五百餘兩又二十八年借給籽本穀一萬三千七百餘石加恩悉行蠲免二月奉

諭水陸經過地方本年額賦俱著加恩蠲免十分之三又

諭男婦年七十以上者俱照從前恩詔之例一體賞給又

諭辦差兵丁著賞給兩月錢糧又

諭辦差文武各官任內罰俸住俸降級之案俱著加恩准其開復其無此等叅罰案件者著各加一級閏二月奉

諭浙江經過地方本年應徵錢糧概免十分之五又

諭本年應試文章府學及州縣大學增取五名中學增取四名小學增取三名又

諭軍流以下人犯俱加恩各予減等發落又

諭沈德潛錢陳羣江浙耆宿也並以卿貳予告里居曩者省方東南存問所及特進尚書階優頒廩祿茲時巡蒞至二臣咸扶杖迎謁耄耄而神明不衰惟國之瑞朕甚嘉焉其各加太子太傅以寵異之沈德潛之孫錢陳羣之幼子並賜舉人一體應禮部試二臣並忻愉恬養以躋期頤副朕優高年眷舊臣之意又

諭浙江進獻詩賦考取一等之進士張培馮應榴舉人吳壽昌俱著授爲內閣中書遇缺卽補陸費墀著特賜舉人授爲內閣中書學習行走與考取候補人員挨次補用其二等之黃瀛元等十四名著各賞緞二疋是年嘉興在籍尚書錢陳羣等接

駕並進獻詩賦冊奉

旨錢陳羣著賞緞四疋范璨賞緞三疋許王猷賞緞二疋馮浩諸錦陸樹本各賞緞一疋又奉

旨進獻詩冊入選之馮浩著賞給大荷包一對小荷包二個又奉

旨沿途進獻詩賦之汪又辰朱玟吳光照等俱著賞緞一疋又

奉

諭此次南巡接駕人員內因考試休致編修陸樹本等有情願
來京考試者准其自行來京候考試定奪

四十五年二月

高帝純皇帝南巡自吳江縣南斗圩

大營啟

鑾至嘉興北教場

大營

駐蹕次日啟

鑾過嘉興府城

幸煙雨樓茶禪寺至石門鎮

大營

駐蹕又次日啟

鑾幸海甯三月自杭州

回鑾過嘉興

駐蹕如前

是年恭逢

高帝純皇帝七旬萬壽元旦

頒發

恩詔布告天下先是四十三年

諭開恩科鄉試普免各省漕糧一次十一月奉

諭水程所安大營上四次南巡江浙兩省久經辦熟近年直隸山東間有於水營內備板房坐落數楹因回鑾時天氣漸熱且北方岸旁寬闊尚可擴充若江浙河岸窄狹實無可容板房之處且登舟至回旌不過春末夏初亦無取涼爽之處斷不可仿照山東直隸辦理十二月奉

諭浙江水營行宮等事雖少於江蘇地面然一切差務亦資費用自宜一體加恩著於鹽項餘銀內賞給十萬兩以爲浙省辦差之用四十四年十月奉

諭江浙兩省冬兌漕糧內各截留十萬石在水陸駐蹕地方分廠平糶四十五年二月奉

諭老民老婦俱加恩賞資又

諭經過地方本年額賦蠲免十分之三三月奉

諭浙江進獻詩冊考取一等之馬履泰沈颺李彤沈叔埏著特賜舉人授爲內閣中書學習行走與考取候補人員挨次補用其二等之吳純等十三名俱著賞緞二疋是年行在禮部奏嘉興府已故尚書錢陳羣墓請遣官諭祭得旨遣祭如例

四十九年三月

高宗純皇帝南巡自吳江縣南斗圩

大營啟

鑾過嘉興府城

幸煙雨樓茶禪寺至石門鎮

大營

駐蹕次日啟

鑾幸海甯是月自杭州

回鑾過嘉興

駐蹕如前

先是四十八年九月奉

諭明春巡幸自直隸以至浙江著傳諭各該督撫不得隨營預

備支搭買賣街棚廠以省無益之費十一月奉

諭江浙二省冬兌漕糧內各截留十萬石在水陸駐蹕地方分

廠平糶至是年二月奉

諭水陸經過地方本年應徵地丁錢糧俱著加恩蠲免十分之

三又

諭老民老婦俱著加恩賞賚又

諭辦差兵丁著加恩賞給兩月錢糧又

諭辦差文武各官任內罰俸住俸降級之案俱著加恩准其開

復其無此等叅罰案件者各加一級又

諭軍流以下人犯俱著加恩各予減等發落又

諭本年應試文童府學及州縣大學著增取五名中學增取四名小學增取三名三月奉

諭杭州嘉興湖州三府屬本年應徵地丁錢糧共一百九萬餘兩著再加恩普免十分之三又

諭浙江進獻詩冊考取一等之張師誠費錫章何金姚祖同著特賜舉人授爲內閣中書學習行走與考取候補人員挨次補用考列二等之吳純張廷桂張彤王觀沈澍錢枚朱光烈王步瀛黃絲凌越朱孫垣應澧許翼宗楊本翁樹沈珏翁濂陸以誠著各賞緞二疋
謹案秀水縣北教場

大營乾隆十六年恭設二十二年恭設如前二十七年二十年俱于吳江縣吉慶寺恭設

大營三十年

回鑾仍于北教場恭設四十五年添建板房以備

駐營

召對之所四十九年恭設如前

營盤地基計廣二十二畝一分八釐五毫

石岸計長七十二丈六尺

外宮門

內宮門

前

御座

後

御座

御書房

照廳

左右迴廊

照壁

小花園

在水南即古落帆亭址

桐鄉縣石門鎮

大營乾隆十六年恭設二十二年二十七年三十年恭設如

前四十五年添建板房四十九年恭設如前

營盤地基計廣五十四畝四分八釐五毫

石岸計長九十丈

宮門

東

御座

西

御座

御書房

左右迴廊

後宮門

照壁

東西軍機房

自江南蘇州吳江縣南斗圩

大營起四十里至王江涇係秀水縣界自吉慶寺起十一里至王江涇

王江涇八里至寺前村六里至金橋汛十里至北教場

大營計程六十四里

自北教場

大營起三里至嘉興府城三里至煙雨樓五里至茶禪寺五

里至學繡塔自北教場起十二里至學繡塔大營學繡塔七里至莫家

涇十里至萬壽橋八里至正家橋入桐鄉縣界二里至

妙智汎十三里至阜林橋五里至秀溪橋六里至大王

廟六里至石門鎮

大營計程七十三里

自石門鎮

大營起一里入石門縣界九里至羔羊橋九里至北三里橋

三里至石門縣城二里至迎薰館十里至松老橋七里

至安樂橋入湖州府德清縣界五里至大麻村入杭州

府仁和縣界二十九里至塘棲鎮

大營計程七十五里

乾隆三十年

聖駕先幸海甯自石門鎮

大營起二十二里至石門縣何家橋二里入杭州府海甯縣
界十二里至長安壩二十里至海甯縣城安瀾園計程
五十六里

嘉興府志卷首一

嘉興府志卷首二

天章

聖祖仁皇帝御製詩

入平望

并序

康熙二十八年

平望為浙江界長吏以畫舫五百來迎恐勞民力卻之不
御

錦纜無勞列綵艫輕橈自愛倚船窗勤民不憚周行遠早又
觀風向浙江

禾中道上

兩岸人家半種桑雨中入望盡蒼茫民間本業惟農織愛看

山村共水鄉

賜高士奇

康熙三十七年

廿年載筆近螭頭心慕江湖難再留忽憶當時論左國依稀
又是十三秋

浙省道上書懷

康熙三十八年

徧野農桑繞翠旌哇邊童叟帶雲耕江山盡是昇平日寸晷
難忘終始情

桑林乍綠蠶事方興詩以嘉之

均 彌望桑林吐葉垂枝嫩碧初勻竹舍正殷蠶務天工雨露維

曉發嘉興

數里城依水千門路向田菜塍無近遠桑岸互繇連土沃勤
為最年豐儉欲先雲開林野秀初日上行旃

聖祖仁皇帝御製文

桑賦

并序

康熙三十八年

朕巡省浙西桑林被野天下絲縷之供皆在東南而蠶桑
之盛惟此一區近在宮中刻為耕織圖每示司牧使知其
艱苦今更為賦以託意焉

伊彼條桑其葉始黃春日載陽綠陰乃披紫陌上兮嫋嫋綺
岸側兮垂垂來璧旭之晨照受風光之午吹影映帶兮青翰

色彷彿兮翠旗既扶疎而相亞復低昂而參差念蠶事之欲
 動正芳候之如期聿茲女紅生計是賴采采盈筐慎加覆蓋
 虞日煦之少潤防雨頻之為害儻薄蘆之不繼時憂心之旆
 旆虔飼食之維勤勞形神於塵盪摘曉露之輕滋乘良月之
 新蒼望于畝之間閒實蠶家之宏賚誠黼黻之必資繫袞職
 之用大其重等於苗稼為王政之不外予恆恐其難知作深
 宮之圖繪至於厥貢著於尚書沃若詠於篇什公室見說於
 禮經牆下屢申於孟集試古訓之歷稽又民務之應急若乃
 訝為神木騁以青華末照是晞甘樾如瓜馴雉表異黃鳥稱
 嘉雖景物之堪娛咸無關於大家夫其詫幢幢之高蓋美亭
 亭之奇樹靈根依倚於十洲巨蹟遂擘於周宇類齊諧之荒
 唐皆予今日之所不取也聊因清晏簡牘是書用示遠邇是
 漑是鋤共知愛護種繞其廬蠶桑農務安寶璠璣

聖祖仁皇帝御書

賜少詹事高士奇扁

康熙二十八年

竹窗

賜詹事高士奇扁

康熙三十六年

清吟堂

賜致仕禮部尚書杜臻扁

康熙三十七年

煙霞耆舊

嘉興府志

卷之二

天章

三

賜內閣學士徐嘉炎扁聯

康熙三十八年

直西清

樹影不隨明月去

溪聲常送落花來

賜吏部右侍郎彭孫遹扁

康熙三十八年

松桂堂

賜詹事高士奇扁

忠孝節義

賜副都御史吳涵扁

風霜之任

賜詹事高士奇聯

康熙四十年

忠為表孝為裏

言有物行有恆

賜詹事高士奇扁聯

康熙四十一年

文詞瞻蔚

五言凌白雪

六翮向青雲

賜內閣學士曹鑑倫扁聯

錫類堂

檢點未形過

嘉興府志

卷首二

天章

四

力求將放心

賜刑部侍郎吳涵扁

慎行堂

賜禮部侍郎兼翰林院學士高士奇扁
康熙四十二年

萊衣晝錦

賜化城寺僧元璟扁

棲心寺

賜檢討朱彝尊扁
康熙四十四年

研經博物

賜已故禮部尚書杜臻扁

眷懷舊德

賜編修高輿聯

勉學承先志

存誠報國恩

賜懶石庵僧超述扁

香巖寺

賜圓明庵僧本冲扁聯

性覺寺

淨域長齡

片石孤雲窺色相

天章

清池皓月照禪心

賜福善寺僧成衡扁

康熙六十年

香海寺

以上扁聯

賜內閣學士徐嘉炎

康熙三十三年

臨蘇軾書陶淵明詩幅

賜禮部尚書杜臻

康熙三十七年

臨米芾好懶難辭友詩幅

賜詹事高士奇

康熙三十八年

御製再過鷺峯詩幅

詩云

愛此清輝一徑深馬隨泉響入雲林蒼苔古洞何人鑿脈脈

韶光自賞心

賜內閣學士徐嘉炎

康熙三十八年

張旭隱隱飛橋隔野煙詩幅

賜少詹事曹鑑倫

康熙三十九年

老樹成雙便作屏山光晃晃耀人衣西村有叟入城去倩喚

借書童子歸

賜禮部尚書杜臻

康熙四十二年

顧愷之春水滿泗澤詩幅

王維曲江絲柳變烟條詩幅

李愷御柳遙隨仙杖發詩幅

臨蘇軾集陶潛歸去來辭詩卷

賜禮部侍郎兼翰林院學士高士奇

康熙四十一年

千字文卷

御跋卷後

跋云

米芾書原無千字文朕自幼臨摹深知沈著痛快處令人起敬所以集成兩部此一部乃是小字其中無字者朕書補之雖不能彷彿古人用筆亦知朕好書之意也癸未春南巡禮部侍郎高士奇終養在籍以色笑養母萊衣自歡當年講筵時精神少壯留心翰墨嘗進春秋講義夜分不寐今見齒落

髮白三十年間光陰之速以至於此朕甚憐之故丹書萊衣書錦扁額並千字文賜之以記不忘舊臣之意云爾

賜石門縣知縣張廷采

唐人門嚴九重靜詩幅

伊志謹案

御書五言絕句一首張廷采恭摹勒石於迎薰館

賜內閣學士曹鑑倫

御製南巡焦山作詩扇

詩云

風帆戰鑑入沙洲不動雲煙一豫遊只見晴光安水面潮聲靜裏卷潭湫

賜棲心寺僧元璟

康熙四十二年

御製製硯說卷

說云

盛京之東砥石山麓有石礪礪質堅而溫色綠而瑩文理燦然握之則潤液欲滴有取作礪具者朕見之以爲此良硯材也命工度其小大方圓悉準古式製硯若干方磨喻麋試之遠勝綠端卽舊坑諸名產亦弗能出其右爰裝以錦匣臚之棊几俾日親文墨寒山磊石洵厚幸矣顧天地之生材甚夥未必盡見收於世若此石終埋沒於荒煙蔓草而不一遇豈不大可惜哉朕御極以來恆念山林藪澤必有隱伏沈淪之士屢詔徵求多方甄錄用期野無遺佚庶愜愛育人材之意於製硯成而適有會也故濡筆爲之說壬午冬嘉平月朔書

賜性覺寺

康熙四十四年

金字心經冊

賜內閣中書吳之振

題董其昌夜雨連朝春水生詩幅

伊志謹案

御書七言絕句一首吳之振恭摹勒石於黃葉村莊

賜平湖縣知縣董天眷

康熙四十六年

唐人坐酌泠泠水詩幅

賜桐鄉縣知縣劉鎰

朱子絕壑雲浮冉冉詩幅

伊志謹案

御書朱子六言絕句一首劉鎰恭摹勒石於桐鄉縣學

天章

賜香海寺僧成衡

康熙六十年

唐人遠公遁蹟廬山琴詩扇

宋人梅雪爭春未肯降詩幅

以上卷幅詩冊

世宗憲皇帝御書

賜河南按察使陳世倬之父温州府教授陳訐扁

雍正九年

松柏堂

賜金粟寺聯

雍正十一年

不佛求不法求不僧伽求早已過去

無我相無人相無眾生相卻是未來

賜報忠寺扁

雍正十二年

覺海寺

高宗純皇帝御製詩

題趙孟堅水村圖手卷

乾隆四年

屈子卜居後潭邊漁父逢滄浪鼓枻去煙水自重重

謹案舊志尙載有趙孟堅白描水仙卷五古一章水仙
七絕二章水仙卽用其韻七絕一章水仙五絕二章白
描水仙五絕二章落米蘭亭七
絕四章茲謹錄一章以昭嚴敬

題盛懋秋林蕭散圖

佳蔭之下鋪芳蘅是何處兮日蓬瀛青鸞白鶴兩不藉飄飄

旬五御風行

天章

謹案舊志尚載有盛懋長江秋艇五律一章山水五律一章溪山窈窕圖五絕一章風雨歸舟七絕一章名畫蒼珍內紅葉讀書堂圖七律一章映雪讀書圖七絕一章秋江待渡圖七絕一章山水即其韻五古一章山莊對奕圖五律一章雪景七絕一章茲謹錄一章以昭嚴敬

題吳鎮清溪垂釣圖

乾隆五年

一江春水如油綠滿日春山看不足春水春山共我三南華
 二篇不須讀渟淵青泚猶堪掬聊把絲竿寄幽躅扁舟不繫
 任去來誰與為羣鷗鷺鴛鴦頗知水清本無魚亦令人識求緣

木

謹案舊志尚載有題元四大家畫幅合璧內吳仲圭寒溪畧約七古一章吳鎮夏山欲雨圖七古一章題梅道人洞庭漁隱長幅即用圖間原韻七絕一章墨竹五絕一章題元人名繪集錦卷內吳鎮中山圖五古一章題

松竹梅蘭四友圖七絕一章題赤壁圖五絕一章秋江濯足圖七絕一章題清溪垂釣圖疊舊作韻七古一章山水七絕九章山水卷五律一章再題夏山欲雨卷疊舊作韻七古一章題漁艇霜楓七絕一章晴江列岫卷七律一章後赤壁賦圖七律一章嵐光送爽圖即用其韻七絕一章山水七律一章秋江漁隱七絕一章茲謹錄一章以昭嚴敬

聞浙省今年蠶繅甚盛喜而有作

乾隆七年

重穀心殷並重桑繅簷甚陌厘籌量星輝天駟徵殊瑞聞道
 吳蠶熟倍常

伊軋邨齊響緯車松明火燒斗河斜辛勤吳女無閒暇那採
 尋常陌上花

東鄰畫靜聽鳴機西舍春深繭更肥盡祝黃姑乞心巧呈來

新樣趁裁衣

浙土從來桑作田宜晴宜雨養蠶天女紅並與農功溥卒歲常吟七月篇

浙江巡撫常安奏杭州諸府桑間自生蠶繭可取以織綢名曰天蠶蓋以為瑞也朕謂此范成大詩所謂野蠶可縑而常安未之知者然不假人力用佐女紅則信乎授衣之助因紀以詩

吳中蠶事由來備九月授衣常厯意照田然炬想遺俗石湖樂府風人義野蠶可縑換短襦錦繡纂組猶餘事欣聞天蠶綴野桑以供織紵堅且緻馬頭祭罷有厚佑物產菁華佐衣

被可云人不假其力將無地尚遺其利農桑之計牧臣責底須豔詡名時瑞

項元汴竹石 乾隆十二年

疎篠依文石天然稱主賓壽星傳古貌玉局是前身元汴自記寫蘇

長公壽星 竹云云 豈向秋而瘦端為靜者倫即看張屋壁个个掃煙新

謹案舊志尙載有項元汴畫王維避暑詩意五律一章種竹圖七律一章題天籟書屋畫卷四種一米芾雲山煙樹疊己亥舊詩韻一吳鎮梅竹松蘭疊辛巳舊題韻一徐賁眠雲軒圖疊壬申舊題韻一唐寅採蓮圖疊己亥舊題韻七絕各一章再題天籟書屋所藏四卷同前七絕各一章茲謹錄一章以昭嚴敬

項聖謨東籬佳色

白露為霜以後松陰梧影之間聖謨自記寫於松陰梧影之間又見幽人古貌飄然綠鬢蒼顏

謹案舊志尙載有項聖謨松濤散仙圖卽用自題原韻五律八章天香書屋圖七絕一章偶仿項聖謨松濤散仙卷為小幅輒題其上五律一章題摹韓滉五牛圖再疊前韻七絕二章雲林清賞圖五律一章孤山放鶴圖卽用其韻七絕二章松陰焙茶圖卽用其韻七絕一章山館秋深五古一章婪尾春圖七絕一章春艇看鴻七絕一章松下琴興七絕一章林亭釣艇圖卽用其韻七絕一章茲謹錄一章以昭嚴敬

入浙江境乾隆十六年

午臨於越曉句吳一水何曾易舳艫爾界此疆人縱別民胞物與我寧殊敢忘求瘼心常切且喜行程春與俱萬姓尊親盈蹕路豈辭膏澤以時敷

煙雨樓用韓子祁詩韻

春雲欲泮旋濛濛百頃南湖一棹通迴望還迷隄柳綠到來纔辨榭梅紅不殊圖畫倪黃境真是樓臺煙雨中欲倩李牟攜鐵笛月明度曲水晶宮

宸翰勒石於煙雨樓下
伊志謹案前詩恭摹

舟過嘉興

徐牽錦纜過嘉禾隱隱時聞欸乃歌漫入高樓傳八詠獨欣舊館號三過油花香入青葱町毛芷新浮澹沲波夾岸桑林數十里果然蠶事此邦多

嘉興道中雜咏

天章

從來佳景稱吳越是處佳因吳越問水以澄渟謀目靜山惟
平遠致心閒

射襄橋下水長流句踐夫差兩並休只有王涇一彎月入波
影尙學吳鈞

屬鏤賜罷孤忠死覆楚將無報逆施何必胥山留宰木潮神
自合付鴟夷

在齊遁蹟號陶朱吳越惟聞泛五湖古寺金明稱故里標題
雞汁又誰乎

士希賢聖聖希天日進何曾可止焉兩字齊名誨高弟文公
不離去聲道爲詮

山水清華是此方樓臺高下賞煙光西山作記無多許說項
還稱孝友堂

嘉禾百詠景原多豈盡吳興手擘窠會景於中偏厚幸標名
已覺冠其他

舟行常是雨兼風徐賁詩情想像中卻爲推篷聊散悶米家
畫意說空濛

樵李橋邊憶舊賢子京高致渺溪煙收藏流落人間世賸存
雕章內府傳

內府所藏明季牙章甚富內有
墨林賞鑒印向命貯之三希堂

青貯旗亭綠渚邊紅雲畫棹盪蘭船鴛鴦湖遞西湖信頓使
軒軒意欲仙

橫塘十里盡桑麻
漂絮縑絲共作家
舞榭綺羅都出此
吳儂漫笑不栽花

迎鑿男婦兩隄旁
鞠脰勸呼翳樺桑
嫩綠遙看未抽葉
所欣不致悞蠶忙

經嘉興問蠶事未興因而有作

杭嘉湖三府蠶事最盛者
夾岸種女桑彌望無高下
時節未穀雨攤烏尚早也
三眠已不悞何虞縑絲寡
周禮禁原蠶豈為桑與馬
利戒不遺餘深意存非假時
巡厘農桑勸課及春社插秧
候正遙草木早遍野我更何
所事拈吟清興惹

題姚綬江南春雨圖

文會飲元同

軒名

倡酬皆雋秀琴樽興瀟灑芝蘭氣芳馥

叶猗

玕韻颯響濃黛拖遙岫頰壁度清風
齒簷點餘溜所期水乳投豈貴肴饌
富傳真誰所為逸史雲東綬行睠久
相隨展閱吟情湊今歲江南春雨景
我重觀

謹案舊志尙載有姚綬寒林鷓鴣圖用高士奇韻七絕一章樹石小景七絕一章江南春雨圖七律一章題姚公綬江南春雨卷七絕一章煮茶圖七絕一章秋英駒貓圖七絕一章秋江獨釣圖七絕一章雪溪樓鷺七絕一章茲謹錄一章以昭嚴敬

賜題夜紡授經圖

乾隆十七年

索觀錢陳羣香樹集有題其母夜紡授經圖慈孝之意惻然動人且以見陳羣學問所自來也輒成一絕句題之

篝燈課讀澹安貧義紡經鋤忘苦辛家學白陽諳繪事成圖

底事待他人

陳羣母陳氏善畫

五鼎兒誠慰母貧吟詩不覺鼻含辛嘉禾欲續賢媛傳不愧

當年畫荻人

賜錢陳羣歸里時陳羣有反穀之疾詩以寬其意

三尸素所滅二豎胡為作予告遂頤和還鄉願如約

浙江嘉禾長水

塘俗名還鄉水陛辭意懇欵請詩應允諾憐汝身日羸壯汝神猶鑠

達生有至論庸醫無大藥辟穀方赤松先難後原樂

錢陳羣養痾歸里進途中所作詩因用其會錦春園和杜

韻詩率題書賜

北海惟客待

錢陳羣詩因孔傳樞招遊而作故云

杜陵詎身謀勝會開名園新

詩步秦州猶記陛辭時流火方新秋何事大江北閒尋谿壑

幽養痾許謝莊遁跡非田疇故鄉山水佳藥餌頗易求頤攝

冀良愈待泛還朝舟江頭有錦春何妨一命遊几杖兒孫侍

樽核賓朋稠江湖信可樂廊廟豈忘憂遲遲有深意欲邁還

停收况彼五畝閒卷阿我曾留卽是矢音地扈賡憶從頭詩

筒附奏箋翰院傳風流故知解脫心疾等浮雲浮從茲一葦

南遙望心與悠

題金粟箋

蔡左徒曾紀傳聞晉唐一片擬卿雲鋪箋見此代猶宋試筆

慚他鷺換羣蒸粟祇須誇玉色青蓮仍自隱經文用之不竭
非奇事金粟如來善化云

新正降旨加賑江浙去歲被水飢民並免米豆稅詩以紀
事 乾隆二十一年

沴行三吳區哀鴻歎連歲昨秋更甚前嘉杭亦奄逮下隰已
無收幸餘高厚地而何蟲生之嚴霜復早至嗟哉憚獨民胡
堪諸患萃比戶鮮蓋藏無怪穀踴貴救災艱良方遑存屯膏
意截漕及留帑旁籌入粟制復思近利輩米豆免關稅庶幾
穀漸多差免流離旣轉壑念時縈調幕顏常愧實乏大禹能
匪市馮謹惠

命緩征浙江本年正供詩以紀事

總督喀爾吉善奏浙西春雨過多麥蠶俱減因命緩本年
應徵賦稅以紓民力並詔江蘇大吏察上年災重之地一
體緩徵以示軫卹

越角連吳根被災大都似吳吏陳備悉越牧或諱飾叶所以
蠲賑惠遂因異倍蕝徐察知其然補救原同視茲聞蠶麥歉
益切飢溺已蠲租及截漕次第施行矣緩徵逮本年例外蘇
瘡痍絜矩有常經念此寧忘彼申命詔吳中民瘼虛心揣其
有災重區於越恩一體致和已愧之拯災可更委顛望九秋
登元氣復閭里

正月二日降旨免江浙積欠詩以喻志 乾隆二十二年

始和布寬大頻年率例行茲當巡東南酬彼望幸情辛未縱
蠲豁寒暑六歲更况復屢遭歉溝壑哀鴻鳴賑飢救一時賦
稅有常程災重乃蠲租其輕則緩征積少因成多數累巨萬
盈催逋民奚堪是宜一免清長吏詎政拙閭閻寧留贏指日
澤國臨吾將省春耕

入浙江境

輕舟曉日別吳門川路溪煙漾晏温柳葉青籠雞犬社菜花
黃入苧蘿村連江頓覺民風異轉壑都關吾意存恩沛寧無
需再沛疇咨大吏悉心論

過嘉興府城

接境金閭卽秀水此豐彼歉理真無旋知大吏爲屯澤肯使
斯民歎向隅 前秋南省偏災江浙接境江蘇請賑之地頗廣而浙省報災獨輕且全遺嘉郡因特命加賑
溝壑流離期普濟閭閻氣象幸微蘇城鄉輳僻從來異不獲
吾猶厘一夫

題煙雨樓

楊柳磯邊繫畫舟六年清蹕重 去聲來游素稱雨意復煙意漫
數處州還沔州 名勝志煙雨樓有三一卽此一在處州括山一在沔陽州詩句還從畫間
得雲山常在鏡中留鴛湖依舊誰相識懶惰無心問野鷗

宸翰勒石於煙雨樓下
伊志謹案前詩恭摹

觀錢陳羣書趙孟頫耕織圖詩屏題句

侍臣歸老此居停煙雨樓中書素屏悉我重耕還重織豈其

如畫竟如銘深惟衣食求民瘼詎止湖山悅性靈無逸爾知

曾染翰勤政殿屏間無逸篇朕所手書也嘉茲金鏡效張齡

煙雨樓卽景

不蓬萊島卽方壺弱柳新黃清且都煙態依稀如雨態是日晴和

澎湖消息遞西湖自宜春夏秋冬景何必漁樵耕牧圖士民有陳

漁樵耕牧圖者故戲及之應放晴光補疇昔辛未至此煙霧中頗不見遠奇返畢獻興

眞如

伊志謹案前詩恭摹宸翰勒石於煙雨樓下

和錢陳羣田園雜興十首書以賜之

庸醫望問覓形聲氣餽三閭病豈成我令歸田靜調攝精神

竟得復平生

忽忽過隙白駒催問道家居七秩開蹕路迎鸞多舊侶就中

頗喜此人來

村舍何妨門縛柴逃禪時有野僧來惟應戀闕心如炷辨色

趨朝心未灰

前歲災鴻實弊勞賑闕南望首徒搔相逢爲問民蘇未巡狩

寧因問柳桃

開年正可墾春畦更喜柔桑葉漸肥勸穡課蠶林下事豈能

高枕說閒歸

武原舟放莫教遲

見陳羣詩

煙雨樓前煙雨微檢得石湖詩卅首

一時賡韻興軒飛

陳羣詩本和范成大田園雜興三十首之十也

溪上風來料峭寒春衫也覺切肌單笑伊何故朝衣典鄉俸

從今志可寬

命如沈德潛例在家食俸故戲及之

世族錢塘嫡派錢禦兒遷里是何年澎湖淼淼澄明水可養

胸中一片天

溪雲欲泮柳煙低柳外青帘颺影飛新壓槽牀春酒熟換沽

可解帶腰圍

炊黍何論尊與菘怡情桃李繪薰醲今來扈蹕權教置可忘

螭頭珥筆供

伊志謹案前詩錢陳羣恭摹宸翰勒石於家

石門道中作

水程卅里惠風柔迤邐由拳接秀州每至橫橋人更庶夾川

歡喜訝龍舟

杏花紅覆菜花黃間出芄芄綠麥長岸轉山迴渾助喜爲看

芒穗報秋穰

徐行減從經城郭萬騎奔馳亦底爲到岸畫艫還少待率知

舟較馬猶遲

溪亭水市夾橫塘老幼扶攜共觀光卻喜陌桑纔吐葉人家

未至礙蠶忙

偶因建置考圖經降縣升州浪與名天下本來無事好石城
榮辱豈關情

自嘉興一日至靈巖駐蹕二首

橋李至靈巖一百卅餘里舟行縱順風比至亦晚矣長隄可
跋馬篤速便且駛易馬行逾刻風帆落後已北南殊所習其
別乃若此誰掛翰林颿布帆有太書翰林者是日所見故戲及之畫寢方隱几前
行馬及之艤岸行且止隨行無事之舟率令前行是日謂彼
落後勞彼喜逸無比飽食倦且眠夜到亦可耳

易舟寶帶橋取道石湖寺跋馬上方山復行廿里地申刻至

靈巖窳畫峯愈翠坐我臨湖榭太湖在襟袂非歷半日勞那
愜無窮意來往已半月彈指訝何易

題陳書荷花

濯漣色不妖微露香都淨能底神韻傳伊人本蓮性

題金廷標畫

乾隆二十三年

跌足科頭書在手罷釣扁舟艤綠柳清音山水似涎溪伊人
可是陵陽否

謹案舊志尚載有金廷標雨景七古一章題畫七絕二
章又古歌一章又七古一章題寫意秋英十八種七絕
各一章題人物七絕一章四皓圖七絕一章懸崖採芝
圖七絕一章鸞茶圖七古一章聽泉圖五古一章十八
學士圖七絕一章放鶴圖五古一章題人物七絕一章
題畫七絕二章又七古一章仙山樓閣七絕四章題人

物七絕一章秋英十二種七絕各一章題畫五律一章
 又疊前韻五律一章醉菊圖五言排律一章嗜酸圖七
 絕一章題人物七絕一章蘇漢臣貨郎擔圖七絕一章
 命金廷標撫李公麟五馬圖法畫愛鳥罕四駿因疊前
 韻作歌七絕各一章仿蘇漢臣貨郎擔圖七絕一章漁樵
 耕讀畫七絕各一章戲嬰圖五律一章題畫五律一章
 羣嬰鬪草圖七絕一章羣嬰撲棗圖七律一章留帶圖
 并序七絕一章倅仔當熊圖用蟬聯韻體七絕二章四
 皓圖反杜牧詩意并序七絕一章掣筆圖七絕一章清溪
 長至添線圖七絕一章掣筆圖七絕一章清溪漁艇七絕
 圖即用題陳畫韻七律一章掣筆圖七絕一章清溪漁艇
 把蘭圖七律一章雜花四種七絕各一章橋梓喻教七古
 二幀一琴歌南風五言六韻一章一遇仙神舉五古一
 章一漢陰抱甕七絕一章一遇仙神舉五古一折梅奇友
 猷種竹七律一章一廬山觀瀑五古一章一蕉葉臨書七
 六言一章一廬山觀瀑五古一章一蓮歸院四言一章一
 章一彈鬱輪袍五絕一章一陳書畫冊疊題陳畫韻一章
 雪讀書五古一章一仙果珍禽一雜果一眠犬一花藍
 木修篁一蘿菴霜蕊一仙果珍禽一雜果一眠犬一花藍
 蝶鳳仙牡丹一怪石古柏一春溪水族一梅溪一花藍

七絕各一章傲古卷六種內金廷標做李麟擊壤圖做
 趙孟頫八駿圖七絕各一章採藥圖七絕二章題畫八
 幀一漁舟一樵徑一水車一夜讀一撫琴一款鶴一書
 課一橫箋五絕各一章一水車一夜讀一撫琴一款鶴一書
 課種竹七絕各一章一水車一夜讀一撫琴一款鶴一書
 章題畫七絕各一章一水車一夜讀一撫琴一款鶴一書
 溪亭疎影七絕各一章一水車一夜讀一撫琴一款鶴一書
 瀑五古一章一水車一夜讀一撫琴一款鶴一書
 一章一水車一夜讀一撫琴一款鶴一書
 江船上峽七絕各一章一水車一夜讀一撫琴一款鶴一書
 渡如夢令詞一章一水車一夜讀一撫琴一款鶴一書
 絕一章松陰牧馬七絕各一章一水車一夜讀一撫琴一款鶴一書
 論魚樂圖七絕各一章一水車一夜讀一撫琴一款鶴一書
 玩梅七律各一章一水車一夜讀一撫琴一款鶴一書
 律一章泥圖七絕各一章一水車一夜讀一撫琴一款鶴一書
 七絕各一章一水車一夜讀一撫琴一款鶴一書
 卉七絕各一章一水車一夜讀一撫琴一款鶴一書
 道採梅圖七絕各一章一水車一夜讀一撫琴一款鶴一書
 律一章泥圖七絕各一章一水車一夜讀一撫琴一款鶴一書
 天章
 三

澄秋圖五律一章再題吹簫召鶴圖七絕一章品泉圖七絕一章茲謹錄一章以昭嚴敬

題女史陳書畫筵

桃柳春江

桃襯輕霞柳窄煙書堂豁朗晴川欲知水暖春江趣已有
乘流放鴨船

溪山清遠

清遠溪山肖浙東箴頭皴法是王蒙不須搖拂涼生席饒有
吹來林下風

偶為喬梓圖賜錢陳羣疊舊作韻

重五日陳羣書和賜其子汝誠書畫扇以進蓋欲之而不

敢言陳羣老矣不可使因此鬱鬱於懷促成是幅並疊舊
韻賜之不復計筆墨之工拙矣

南國應嘗穀雨茶筴頭書自遂初家貢來卻好臨蒲節賜去

無須寶墨華教寄北山聊示梓即付其子寄去漫參西土擬拈花高

年已覺多男累陳羣自云如是即以調之莫逐東風更羨鴉

伊志謹案前詩及畫錢陳羣恭摹宸翰勒石於家

錢汝誠錄西巡舊作小冊以進口號調之

汝誠此意我先知正是催詩非錄詩庚午數過丙寅倍丙寅冊得

詩八十七首庚午計得至一百八十九首茲行亦不欲減其數也倍斯何必可虛其

降旨免江浙積欠詩以誌事有序

春頌青陸將迎

鳳輦於維南日下黃封早佇雞竿於自北爰仿再巡之典制俾
寬三省之供輸念額徵既羨乎鄰疆知尾欠旋贏夫比歲
雖遇微眚而必緩長官自識勤撫字以輟催科即希明詔
而少延下戶不無覲新恩以紆舊課嘉彼祝

釐之共切廣茲

錫類之咸周匪矜濊澤十行歡均白屋惟厘始和二日合協紫
泥云爾

行時保駕指東南嘉與吾民共樂湛財賦重區歲有欠催科
概豁澤均覃積逋豈計萬已累三省共八十五萬兩有奇旁及俾寬省以

安徽本所不到亦免之較彼豫人誠厚幸一為歡喜一為慚

題宋旭山水

竹籬茅舍帶江村萬壑千巖勢吐吞山淨無雲遮玉宇雨餘
有水到柴門仙家雞犬那聞吠世上簪裾且漫論不著桃花
林夾路恐防認是武陵源

謹案舊志尚載有題宋旭西湖圖七絕一章禹王村夜話圖五絕一章天香書屋七絕一章歲朝圖七律一章茲謹錄一章以昭嚴敬

沈德潛錢陳羣來接走筆成什書之各賜一通

二老江浙之大老新從九老會中迴身體康強自逢吉芝蘭
氣味還相陪迎隄驀遇以為喜出詩命和羣應推更與殷勤

訂佳約期頤定復登金臺二人皆云朕六旬時德潛當九十亦笑許之八陳羣當八十七必皆入京叩賀

入浙江境

一水原無異兩疆頓爾分行春三月近迎駕萬民紛瞻就寧須禁頌揚非所欣不謀共尊戴保赤益心勤

過嘉興府城

御舟別路溯漕河登陸春城按轡過吳帝經營非舊郭周書假借得嘉禾戶聞絃誦漸摩善野富蠶桑衣被多博施愧予焉濟衆民情到處總逢和

游煙雨樓與莊有恭聯句用石鼎體

御製澎湖換輕舟載咨攜大吏延樓鏡中央

疊愷圖次第元璪首締構仲圭足標致名寧詫鴛鴦莊臣

恭有

御製利頗擅芰荷謂當煙雨濛乃值春光霽游日益悅心

對時兼得地青巒識送迎白鳥忘呵避柔桑驗萌芽莊臣

恭有

御製繡壤嫌鼓吹耕織八政關鐘磬元音肄

樓中舊有錢陳羣書趙孟頫耕織圖詩屏

今來復書朕鑄鐘特磬二銘於壁

老錢筆老健

蒙莊眎蒙翳臣日本近視蒙中陳羣所書幾茫無以對詢樓前虛

豹尾隨今預

鷓鴣頭何隄桃佇醜紅臣莊有恭

御製 渚柳漸凝翠近遠景畢呈吟咏興誠遂何殊侍西清

竊幸訝

南暨遲牽載書船急控催詩轡遇榮三接承臣莊有恭

御製 音矢載賡繼頻陰所恆慣屢晴實罕事卻慮誤東作江浙澤國夙稱

多雨自渡江旬餘縱逢晴和雖宜暢覽實屢農時不無望雨之意

然誠得兩利冬雪優霑正月下旬雪繼以雨今三農足

冬雪萬國來輯瑞瞻

天愜眾懷臣莊有恭

御製 觀風厘予意陽舒固勝陰月計尤省歲勛爾惟清心體茲共

濟義

伊志謹案前詩浙江巡撫莊有恭奉

再題煙雨樓

未年丑歲兩經行煙雨都逢副盛名卻訝今番出新樣自過

江後總開晴柳絲窄地折翬舞梅朶烘春笑口迎更上高樓

聊極目水村近遠望分明

伊志謹案前詩恭摹

三塔寺賜名茶禪寺因題句

積土築招提三塔寺基舊為潭不利往來舟楫唐僧行雲積土起塔吳越名保安院宋改景德禪寺又名三

塔寺蘇軾 千秋鎮秀溪予思仍舊貫僧顓賜新題偈憶趙州

三過煮茶

天章

卷

舉茶經玉局攜登舟語首座付爾好幽棲

伊志謹案前詩恭摹

宸翰勒石於寺

過嘉興再和錢陳羣田園雜興十首

接踵迎鑿多頌聲觀民惟愧政無成境臨秀水心聊喜為晤

林居有老生

祝

釐昨歲驛程催九老圖形霽月開便令還鄉頤暮齒宣傳不許

遠迎來

稜稜孤鶴瘦如柴圓嶠方壺任往來鶴其性人壽其似會看

劫火有寒灰

游山屐總不辭勞遇勝吟詩白髮搔花瀨濛濛春澹澹微醺

何礙暈如桃

春田未致手親畦俸養何妨刺齒肥常把一篇宏景傳殊途

要欲有同歸

三月遠如三歲遲詩裁前席辨精微雖然賜杖何須杖見說

香山步似飛

昨命九老就香山游燕以副嘉會先期並有賜杖

薄試春寒冬更寒吾民寧乏有衣單定當剗切陳民隱莫飾

其辭斲意寬

結屋江鄉不費錢雙槐門巷蔭多年樸淳生計耕還織淡蕩

心情水與天

樓臺煙雨望中低早見書屏健筆飛煙雨樓有陳羣書趙孟頫耕織圖詩屏新

署頭銜榮晚節定知家慶子孫圍

鄉味休耽韭與菘行時韶令正芳醲為吾數日隨清蹕可負

湖山佳景供

題張南本華封三祝圖錢陳羣所進自作贊

封人三祝帝堯辭穀食鵠居請進之終始欽哉吾所企陳羣

每頌不忘規

過石門縣

策馬石門縣觀民度石城閭閻際時泰埤堦倚春晴寸土桑

麻地萬家絃誦聲何加曰惟教然匪尚詞英

復游煙雨樓

前度晴中閱春景今朝雨後賞煙光是日細雨即止輕陰猶戀波瀾

意細籟都含花木香

果然名實善相隨百尺樓高悅日時試看淺煙方淡蕩便教

不雨也迷離

煙雨樓疊舊作韻

煙絲冒柳柳絲濛雨意迎人人意通自是雲容盟水態並宜

草綠藉花紅奚稱處括沔陽彼處州括山及沔陽州並有煙雨樓而嘉興名特著總

在天高地厚中耕織圖詩屏宛在樓中有錢陳羣書趙孟頫耕織圖詩屏不殊

惇史惕深宮

宸翰勒石於煙雨樓下

伊志謹案前詩三章恭摹

竹根如意

錢陳羣所進既成是什復郵致令其和之

乾隆二十八年

首曲非猶燥火成天然寧是裁去聲金營匠人雕飾緣工巧高士指揮愛格清有節更看文似賁從心不踰矩斯貞本宜賜與齊賢器摘藻翻因獻憲卿

伊志謹案錢陳羣呈進竹根如意仰蒙

御題一律鐫諸柄復繪圖以賜陳羣恭摹

宸翰勒石於家

石芝 乾隆二十九年

說文珊瑚生於海本草又稱生海中磐石上白如菌一歲變黃二歲變赤此石芝似之豈火樹所未變成者耶蓋錢

陳羣所進而非東坡所食之物也率爾題句並驛令和之

還鄉未下海中羅

陳羣古里嘉興有還鄉河假借用之

石菌居然致則那蒸出

歎非好子厚夢游幻亦異東坡芳甘漫擬雞蘇味斐郁苑同

鳳尾娑何必賤璿珍鎮玉他山原待琢兮磨

伊志謹案前詩並

御畫石芝圖錢陳羣恭摹

題陳書長松圖

壁畫長松三百年

見陳羣自識語

真松窗外綠參天兩翁不識誰兄

弟照影疑如立鏡前

降旨免江浙積欠詩以誌事

有序

乾隆三十年

供輸維正租庸恆甲於南邦澤沛非常獨復早申於北闕
循三載一巡之盛事計籍加詳佈元辰二日之恩言郵傳
倍速咨彼額徵未足覬延不乏齊民軫茲尾欠猶懸被歉
寧無下戶縱比年頻致十千之取而爲數尙踰百萬而贏
詢疆吏以陳書清問每勤夫側席敕度支而奏課宣條毋
靳乎持籌庶幾澤鈔飛鴻白屋三時歌鼓腹抑且村閒吠
犬青旗一路樂遨頭云爾

曰休曰助重時勤嗟爾司農聽緯綸百姓已皆注耳目三年
又復有通陳持籌漫計贏巨萬投匱都教豁窶貧仍慮十行
或遺畧屆期應更細咨詢

題錢陳羣進伊祖瑞徵所篆瑞日祥雲和風甘雨章

迎春帖子進南方先以家傳古篆章瑞日祥雲兆歲美和風
甘雨卜農慶休徵敢謂時斯應善頌還嘉規不忘願共吾民
沐新社春祺噫噫萃方昌

沈德潛錢陳羣來接因成是什仍各書一通賜之

二仙仍此候河濱三載相睽意更親郭泰李膺一煙舫

二人同舟

而沈期錢起兩詩人飄然白髮都還健瞭爾青瞳自有神筆
力年華雖共老載賡知復倍清新

入浙江境

一川不異舟兩省頓分郵風俗漸因別桑麻較更稠春晴眞

是暢三載忽如流祇覺民情切惠鮮可忘謀

游煙雨樓卽景雜咏四首

煙雨今朝煙雨無眺吟暢好不模糊菜花黃暎麥苗綠所喜
猶然在此乎

卽景無過遣興題過譽老筆注金龜

樓中錢陳羣書舊作並跋語張壁頗覺過譽

樓前一對玉蘭樹直與樓簷開並齊

近涯野艇不譙訶漁樂憑看樂若何訝似天孫機杼張去聲錦

端來往織仙梭

船泛春波天上坐樓稱煙雨霽中來韶光陶冶無先後庭際

辛夷盆裏梅

題煙雨樓

岩巖無地起樓臺一棹宛從鏡裏來問孰宜煙更宜雨合稱

惟柳復惟梅韶光豔裔爲屏匝漪影空明曠座開錢趙王孫

詩與字

樓中有錢陳羣書趙孟頫耕織圖詩屏

卻因吟翫久延陪

宸翰勒石於煙雨樓下

游煙雨樓與莊有恭聯句疊前韻作

御製

昔茲撫土臣今爲隔省吏

前年調莊有恭撫蘇仍就近兼管海塘事務

仍攜因閱

塘

叨陪逾及第

臣昔蒙恩命得侍聯句尤爲榮幸

特拔巍科茲再荷

嘉禾奉

清娛高樓挹佳致花繁雙樹玉

臣莊有恭

御製香凝千頃芰名循慮煙雨近頗望晴實惠快晴霽何處不籌農

所喜無棄地就瞻

禁譙訶蹴踏

敕趨避萬姓歡迎環擁左右者或踐及菜麥每上不令訶蹕其趨隨論避之亦勿顧也藹然衢

謠盈臣莊有恭

御製翁若天籟吹頗嘉新政觀莫忘舊學肆行當侍左右已授有恭刑部

尚書協辦大學士仍令在內廷行走

頓爾豁障翳簿書幸寬程筆札願謹伺

撫時值風和臣莊有恭

御製延遠勝山翠嘉興境內無一天景越朗四鄰望俱遂澄波識山憑眺益遠

魚樂董其昌書魚樂國勒石樓前

厚澤欣眾暨澎湖正

迴樞秀溪橋名復

控轡是日十里老幼遮道瞻仰幾無隙地萬千氣象呈臣莊有恭

御製百二春光繼時值閏二月攬結敢恣興游豫無非事明將鹽官駐

總

厘海壘利北漲常安瀾中開必表瑞北岸漲沙益遠則中小壘故道自可復開

聖仁感

天仁臣莊有恭

御製予意視民意翹心緬四巡曉眼又三歲載賡非玩物懷哉惟

展義

降旨免浙省所有欠積並經過地方正賦十分之五詩以

誌事

新正降恩諭江浙免積逋江省數實多

前降旨免江浙逋賦江南至一百四十餘

萬浙江止十三萬餘已不及十分之一且又報有續完則較江省更多

南北已大殊因加惠江

南昨經臨江省詢知所免災緩積欠淮北獨多江以南纔三

所經州縣本年額賦十分之五浙省赤子懷保同浙省可忘

殷悉予豁除復將經過地方新賦蠲半以均惠澤

乎入疆再諮詢逋祇江南如更有續完者急公益嘉予漕欠

及借項寬免例所無此豈非在民爰概與豁除其經過正賦

十五蠲厥租休助庶以副歌頌寧所圖

白石門縣跋馬度城易輕舟至陳氏安瀾園卽景雜咏

艤舟跋馬度由拳心喜觀民緩著鞭更有閱塘予正務遂循

溪路易輕船

夾溪萬姓喜迎鑿桑柘盈郊入畫看廿四漿過風帆去聲駛片

時新壩到長安卽壩名

壩隔高低換綵舟綵舟致重艣聲柔仍圖迅利策予馬蓄眼

韶光面面酬

鹽官三載重輕臨兩字安瀾實厪心駐輦春風樂清暇果然

城市有山林

賜錢陳羣

王帖一旬猶過之

羲之帖足下今年政七十來迎喜重

龐眉杖朝足領羣仙列從政仍教一子隨

陳羣子汝誠適扈蹕來商確

古今關治亂諮詢風物度淳漓我閒卻是卿無暇合為催賡

攬勝詩

再游煙雨樓

南去北還半月餘澎湖樓閣祇猶初墨辛夷縱花全謝紫碧

桃方朶豔舒

是處見紫碧桃花特鮮豔

波態含煙欲藏舫雲容釀雨正如

車循名奚要惟晴好在蠶筐與麥鋤

伊志謹案前詩恭摹

宸翰鐫扁敬懸於樓右

三和錢陳羣田園雜興詩十首

詩篇來往達音聲前席猶欣晤耆成曰善頌卿思古者不忘

規我厘民生

肩輿弗許遠迎催喜過新年八表開民數無央覲鑾路就中

遙說地仙來

清短身如愚也柴當年給杖重

去聲

扶來相逢一別三年話不

覺金猊篆已灰

問汝林居更底勞每逢賡韻首應搔

陳羣雖居林下每得新作常和韻以進故以此

句嘲

之 卽今三疊田園興一例還當報木桃

詎必鄉田藉自畦潤身願以德充肥不妨春冷常朝出或遇

山佳定暮歸

晏眠誰斥入朝遲
娛老那虞生理微
子貳地官身里俸
豈同寒士論潛飛

鄉居想復濟貧寒
未冒君恩身受單
更有餘閒問風景
南湖春水曠心寬

老伴詩人沈與錢
清詞麗句荅芳年
為詢北阜竹梅月
何似南樓煙雨天

于公門巷豈嫌低
歸省還聽琴轡飛
依蹕卻因勤供奉
有教婦子一家圍

陳羣以老侍從迎鑾後即隨扈行在特命其子汝誠先還家侍母俾得歡聚庭闈

石湖高致寄冬菘
潤筆應知藉酒醲
三十首中和十首
范成大田園雜興本三十首陳羣所和三分之一也想因詩興偶然供

題女史陳書畫頁十種

古木修篁

子昂題句仲姬畫

元時篁道昇畫多有趙孟頫題此冊乃尚書錢陳羣母陳書所畫每幅俱有其父錢

綸光題句相莊風雅故不減趙管云頗有今人似昔人
幾個修篁依古木
龐公高躅別傳神

蘿蔔霜菘

畦蔬小摘供盤殮
熨齒葡萄頭與菜
根咬得此中無限味
寫將清白示兒孫

倦果珍禽

飛來珍鳥自棲枝
欲啄垂瓊意且遲
淡墨淺深分向背
清風

林下有如斯

雜果 楊梅 枇杷

楊梅酸與露桃甘可做尋常世味參一例琵琶彈別調前三

三卽後三三

眠犬

一團烏玉臥婆婆似解黑甜樂趣多如此宴眠不吠盜主人

畜爾意云何

蝴蝶鳳仙牡丹

嬾嬾蠓蠓態各奇軟紅芳綴一絲絲采香欲識春駒意好是

花叢未入時

怪石古柏

怪石礪礪古柏森煙霞之表結同心錦官城外如相見 用陳羣父

綸光題語 定是曾經老杜吟

春溪水族

青青弱藻泳魚蝦幾片輕紅貼落花試看春溪圖越若豈殊

秋水對南華

梅溪

清溪月影一輪孤屣屣人眞號弄珠若問詩中傳作者不於

高啟在林逋

花籃

幾般寒卉翦籃裝不是春園桃李芳珍重齊眉成合璧自應
綿慶繼書香

此冊為錢陳羣父母手澤貽留今陳羣欲登之石渠以永
其年朕思石渠所藏陳羣母各種畫頗多不忍更留此因
各題一絕仍以賜陳羣俾其家什襲為傳世之寶並命金
延標倣寫成冊錄原題收入石渠藝林當增此一段佳話
也

朱碧山銀槎歌

彝尊長歌詠雙觥朱彝尊銀槎歌中有可憐雙觥一成王寅
今成鱖之句蓋亦知本有二也一乙酉鑿落銀器誰所為乃出朱氏碧山手酉者展轉入孫

家

承寅者宋氏

琬

所珍守一時豪客醉流霞快寫牢騷鬪吟

口率徵故事稱張騫漢書不識曾讀否

彝尊及宋琬施閏章輩賦此題皆以張騫

當之夫漢書張騫傳有騫窮河源事不言其浮槎天漢也惟
博物志載海渚人見有浮槎去來不失期乘之至一處見織
婦及牽牛人還問嚴君平對以某月日有客星入牽牛
諸人蓋沿荆楚歲時記之訛而於漢書未加深考耳漁洋
居易辨頗精先得我心是此叟既考漢書辨乘槎非張騫事
復閱王士禛居易錄亦以張
騫之說為非而深悔其詩窮源過大夏云云數典未
當且援拾遺記貫月槎事以證之辨訂頗為精覈有揀之
槎格實奇乃自孫藏非宋有雕鏤絕藝不重儻諸人麗句早
精剖偶因博古一致評置之弗用戒旨酒

津水早春詞用錢陳羣韻並寄去命和之

香樹齋集偶披翻清虛婉約真除煩早春津水詞更美正值

三月停巡軒近海民計夙所厯幸看氣象猶飽温摩肩接踵
日輻輳迎鑾出欲空蒼村江南輿情一例篤爲憶詩客安詩
魂當年備書此閱歲每有佳句無斧痕自從歸去樂桑苧直
沽塌淀空潺湲詩筒遐寄俾廢韻畢然南望紛川原

題陳書倣唐寅夏日山居圖

山明水秀碩人邁幾架溪亭俯碧波不禁漁翁把釣往時來
幽士問書過麥鉞已撲香風滿柳線猶含弱意多若曰山居
倣子畏知爲首夏尙清和

錢陳羣進銅如意因成口號 乾隆三十四年

古製樸還古色穆須知寓意有多端九州萬物同如意正是

爲君之所難

再疊錢陳羣津水早春詞韻仍寄去命和

大沽赴海晴波翻海口昔閱茲不煩茲來實以俞衆顙祝

釐攬勝奉

翟軒似繪花柳細而野漸長風日和且温吳山廣陵有同約 江浙

兩淮南商衆並顙請赴天津與長蘆諸商共伸祝釐來賀之願司離者以聞并即日具舟戒行因已成事姑聽之
詎止津瀛邨香樹齋翁命且俟 初欲聽錢陳羣今歲即來京慶祝既而念其精力雖健而
八十餘老翁頻年僕僕非所以示體卹也因諭俟明更憐歸
歲赴京恭祝 皇太后萬壽而止其今歲之行

愚地下魂二老外與言詩少片雲空手寧留痕津水早春詞
重 去聲和還鄉 河名在嘉興直達波潺湲東坡先生例具在不妨險

韻數入聲疊原

題錢陳羣所進王淵梅雀報春卷卽用其韻並書賜之

乾隆

三十六年

貴得其人不貴妍書宗畫法有同傳雀梅一卷詩三首妙義

還因揭道淵

南枝最識好春歸羞煞海棠獨以肥麻雀偏欣晴雪夜淨明

香界聚相圍

臘雪先春湊嫩寒展圖詠句興無闌江鄉食履應增健大愜

予懷老者安

錢陳羣奏進所書登岱祝

釐頌及御製詩文并賡韻詩冊至因成是什書以賜之

平原此日巡方駐秀水多時奏牘欽萬有言餘親手寫三千

里外故人心可知食履益康健具見頌揚篤悃忱冬月定當

重晤面

陳羣於今冬來京恭祝萬壽當與之覲面談詩以慰眷懷

聖母

健談興自勃知音

錢陳羣奏進謝恩詩至卽以其韻荅之並書以賜

宣毫端硯常隨側卽景摘詞每寓欽何必多思甫老句所無

逸緬且公心往來筆札如覲面賡和篇章每託忱善頌雖卿

頗自許不忘規更佇佳音

賜錢陳羣

祝

暇重來紫禁攀依然鶴髮晤童顏枕流漱石家鄉慣實語真情

前席閒不覺六年如一日更期百歲領三班

陳羣於辛巳慶典即居致

仕九老之次茲復與嘉會為林下諸紳領袖而精神矍鑠如前計其再來恭祝九旬慈壽陳羣亦將百歲矣

神不問蒼生問吉甫清風補袞閒

賜錢陳羣南旋歸里之作

剛喜談心頻席前胡為慶蔽又當旋幾番笑語消一瞬重晤
風光期十年雪阻長途仍發軔冰凝順水未開船精神健豈
妨跋涉卻是南瞻每眷然

錢陳羣奏抵家鄉信至詩以賜答

就道輕輿發殘臘高年抵里尚初春逾三千路塵食履望九

旬身超類倫幅幅書箋仍健逸章章和句總清新香山適接

還鄉信

嘉興有還鄉水

即景尤思扶鹿人

陳羣昨歲和賜九老游香山詩有鹿馴巖畔當童扶

之句愛其超逸茲駐蹕香山陳羣奏抵家摺適至并附和詩及所書御製詩文以進披覽慰懷即得此末二句於摺內批答視事畢續成全什書賜更為香山增一段佳話云

三疊錢陳羣津水早春詞仍寄去命和

光陰真似逝水翻萬幾那敢謝勞煩搜題摘句乃餘事時亦
引興因游軒而惟觀民體休助衣食計欲飽與溫斯來本為
闕河務因緣復至章武村行館憩息春之暮蝶夢不離花間
魂屏額勒昔和錢句彼無斧鑿我有痕一篇寄付北風去望
予渺渺波潏潏即今可與言者孰莫辭更疊險韻原

女史陳書出海大士像用其子陳羣題句韻

屣屣宴坐貝多平天水空涵石竹清示現漫云出海像如來
如是木圓成

題陳經尙書詳解六韻 乾隆三十九年

帝王行事具心中 彙括經發題語 挈要一言迴鮮同數彼專通難儂

指得茲詳解足治 平聲 躬卷成五十能探奧書秘半千未發蒙

經南宋淳熙間進士 大典闕收誠惜漏休陽復覲可稱功 陽休

速今五百餘年矣 汪森於康熙乙卯年泛舟濮川見人鬻舊籍於市盡數觀歸

中有抄白本乃尙書詳解也 龍溪縣志經為新興令改 古壁精

見汪森 新興教化為根本 德清專以教化為首務 古壁精

微與擴充詩義雲煙誰過眼 森跋云經著述更有毛詩講義

無存或復有收輯之者皆未可知也 珍斯片羽願研窮

錢陳羣故詩以誌惜

沈去錢存勢已孤徒觀遺奏故人無江南忽爾失二老 沈德潛

陳羣皆耆年宿學凡御製詩章時命賡和王午南巡兩人同

舟迎駕曾賜以詩有二老江浙之大老句德潛故已五年今

陳羣又復溢逝此後更無 天子原非友匹夫蒙邑應成蝶醒

可與言詩之儒臣老輩矣 夢香山那復鹿重扶 最喜其和賜游香山詩鹿馴巖畔當童

適至即得香山適接還鄉信即景尤思扶鹿人二句於摺內

批答隨續成全什以賜並前此賜其歸里詩有更期百歲頌

三班語孰意 詩郵罷趁北風寄 每有御製詩或於陳羣奏事

竟虛所望乎 不復得矣 郢堊憐亡為質吾

閱錢陳羣書游盤山詩冊有感

昔年扈蹕至田盤給假游山春未闌得句書成藏靜寄一回
來必一迴看

五古穆如蘇李詞愛他更具頌中規同游卻是竹林數

陳羣冊中

錄詔扈從諸臣游盤山詩跋云同游者協辦大學士阿克敦侍郎介福學士鄒一桂通政司參議薄海太僕寺少卿介錫周中書祝維誥云云今相隔僅二十餘年而同游七人竟無一存者矣

屈指都成鬼簿披

門前雙杏護山莊五字聯吟錢與汪

冊後附錄題行宮門外雙杏五絕句與汪由敦

同作今距由敦之亡亦十七年矣雙杏依然人去矣那堪對樹更尋芳

盤山春日塞垣秋得句郵傳夥唱酬

每於盤山熱河駐蹕得詩較多必錄寄錢陳羣

和韻今後復誰可與言詩乎今日吟成誰與寄可憐老輩謝都休

題冷謙竹溪琴友圖

叢篁深處兩仙翁佝羨精神黃綺風橫膝焦桐不須撫琅玕

清響正相同

題唐闕史

知不足齋奚不足

鮑士恭家藏書處名知不足齋

渴於書籍是賢乎長篇大

部都皮閣小說卮言亦入厨闕史兩篇傳摭拾

是書分上下兩卷晚

唐遺蹟見規模彥休自號參寥子參得寥天一也無

題錢陳羣所書詩冊二首一韻

山莊往歲句郵諸八十八翁必手書惟爾因文研妙義其他

賡韻率虛譽徒觀遺蹟猶斐爾暗引遐心一愴予知己箇中

誰復在從今吟興欲為疎

御製詩並其跋語冊

弄置案頭偶閱諸人何往矣祇存書悉予字裏義祛藻嘉彼

行間規勝譽兩冊誰知成絕筆此錢陳羣所書癸巳春巡幸天津御製詩並其和韻之作

及秋以山莊詩寄和而陳羣已臥病此實其絕筆也一時偏識有開予可憐老輩凋零

盡不啻晨星祇漸疎第二首書陳羣和韻詩冊

題顏真卿書朱巨川前後告身各於其卷書之乾隆四十年

年

誰識告身有後前豐城無意得珍聯高卑品秩因文別巨川初則

行起居舍人後則守之蓋如今之試用實授實授乃有文亦未可知今古風規以字延舟楫豈

誠巨川用龍蛇斯實灌園傳見陸完識語弄藏題識率難考告在內府

舊藏者雖為前而以唐時年月較之則新得者當為前卷舊藏為後卷閱卷後陸完跋叙述原委甚詳又考陳繼儒秘笈

張丑清河書畫舫以前卷即宣和書譜所載及陸完跋疑為

王說所得別本後藏項元汴家者後卷曾刻入停雲館帖向

為陸完所藏後歸陳繼儒者今兩卷內如陸之跋項之印章

皆有可據惟王說曾收藏處則前卷無考疑題跋為妄人割

去而繼儒識語不書於後何礙驪珠真者全

卷則理之所不可解耳

傲陳書長松圖疊向題陳畫韻

題詩猶憶甲申年傲畫聊因適性天溪壑似哉神不似果然

真者怵當前

天籟書屋

天籟顏書屋名因橋李彰豎峯及橫嶺緩范更癡黃九夏清

將綠三秋丹與蒼所收皆活畫那數項家藏

李肇亨鵲送春聲即用其韻

天章

喬樹營巢見飛鵲占來風雨較人明雌雄相呼去聲知何意卻
是人稱報喜聲

題金台昭水亭高士

倚几高人弗礙涼溪風吹送野梅香箕裘雖有家聲繼乃昭

標之父此畫即一例石渠古畫藏其子向所進者

題朱彝尊經義考乾隆四十二年

秦燔弗絕殆如繩未喪斯文聖語曾疑信雖滋後人議述傳

終賴漢儒承天經地緯道由託一貫六同教以興藜閣炎劉

校誠韙竹垞昭代撰堪稱存亡若彼均詳註彝尊號竹垞秀水人康熙己未

以博學鴻詞授檢討入直內廷博聞淹貫是書通考歷代諸儒說經書目每書先例撰人姓氏書名卷數次列題注曰存

曰闕曰佚曰未見次列原書叙跋諸儒論斷及其人爵里彝尊考正按語載於未而附以逸經必緯擬經諸目凡三百卷

自漢迄今說經諸書存亡可考文獻足徵編輯之勤考據之

審網羅之富實有裨於經學惟所注闕佚未見者今四庫所

錄往往其書尚存蓋冊府儲藏外間難覩不足為彝尊病至

卷首冠以我朝世祖御製孝經聖祖日講解義自

屬體製應爾若臣工著述則當按時代先後彝尊於編次時

亦未及詳訂即如本朝成德所著之大易集義粹言合訂列

於前朱子元亨利貞說列於後殊為參錯第以刊布成書難

以改刻惟令於四庫全書提要內聲明以正體例至其義在

尊經不惟汲古之助文獻於茲率可徵遠紹旁搜今古會焚

並將昭示來茲矣膏繼晷歲年增考因晰理求其是義在尊經靡不勝枕藉寧
惟資汲鑿闡崇將以示孫曾

題影宋鈔班馬字類

采摭欣傳檇李婁居然影宋似雕鏤荀袁原未範圍出班馬

藉因奧窔求喜此朝絃而暮誦嘉伊遠紹更旁搜披翻快處
緣惡旨笑異東坡大白浮

懷舊詩

故刑部尙書銜原刑部侍郎錢陳羣

詞臣退居林下齒爵學問足爲縉紳領袖者惟錢陳羣
沈德潛二人余昔有二老江浙之大老句東南士大夫
多欣羨之陳羣浙之嘉興人康熙辛丑翰林雍正九年
贊善洵歷侍講學士十三年直南書房尋改右通政乾
隆元年丁母憂歸其母陳氏知書工繪事陳羣少時母
每勸之學有夜紡授經圖陳羣嘗奏及余嘉而題之服

闕補原官六年擢太僕卿累遷至刑部侍郎十七年得
轉穀疾連疏乞解職准回籍調治二十二年命在籍食
俸二十七年加尙書銜三十年賜其幼子錢汝弼爲舉
人皆南巡迎鑾時所加恩也再與香山九老嬰鑠如舊
冀其尙可再赴闕廷曾賜葭以資頤養三十九年正月
竟以疾卒於家聞而悼情優卹有加祀賢良祠陳羣深
於詩學書法亦蒼老家居以後每歲錄寄御製詩百餘
篇命之和陳羣旣和韻並寫冊頁以進冊必有跋字體
或兼行草余甚愛之詩多不經人道語而其香山詩有
鹿馴巖畔當童扶之句喜其超逸親爲圖以賜及駐蹕

香山覽其抵家奏即得二句云香山適接還鄉信即景
尤思扶鹿人於摺內批答之仍續成書幘寄示如此佳
話今不可復得矣能無追念乎

少年困場屋賢母授之經故學有淵源於詩尤粹精經濟雖

非卓不失為老成以疾賜懸車還鄉信循名相傳嘉興有還鄉河故其地仕宦多歸老者吾

於陳羣益信迎鑿三於浙祝

釐兩入京倡和稱最多

陳羣三次迎鑿兩次入都令其和韻極多如田園詩之類亦有賜和其韻者

頌中規亦行林下惟恂謹文外無他營優游登大鑿生賢沒

亦榮

題錢陳羣和韻詩仍用甲午詩韻

兩歲山莊條別諸案頭香樹重去聲觀書獨嘉老手饒麗則詎

為連篇多頌譽有主世南寧讓彼無兒伯道並憐予陳羣子汝誠頗

能世其家學茲不幸病歿為之惋惜明春安福艦中路迎蹕遙愁識者疎

天籟書屋

額簷借構李天籟發天香詎祇欣說項兼因遇達莊亦將真

蹟檢便置箇中藏項元汴喜蓄名人字畫每以天籟閣印記鈐之今書屋既仿其名因於續石渠寶笈

書畫內曾經元汴印識鑒藏者檢數種貯此亦循名責實意也設以北南較高他千里強

題陳書幽居清夏圖筵頭其子陳羣書夜游山月歌所進

夜游山月勗清娛頗類幽居清夏圖書扇因之供暇覽懷賢

陳書賢母也憶舊並殷吾

題朱彝尊井田硯

曝書亭裏考經義井字硯田磨欲平自是伊人思復古可知

復古實難行

井田不可行於後世向每切論之及題夏休周禮井田譜復為闡發其義詳見前詩注

入浙江境

乾隆四十五年

一水無須更換舟卻看兩省各分陬南為迎者後為送養俾欲兮給俾求老幼依然非越俗桑麻櫛若較蘇稠來巡要務此疆切正在海塘固永謀

駐浙江水營

江南水營屋三間已謂不當心踏踉

江南沿途水營構屋三間以備召對已謂煩費

浙省則屋宇倍增且點綴亭臺花木前次未曾預戒益覺不安耳

浙江水營倍過之點綴亭

臺及花木爭強長此竟安窮今駐明發祇一宿未曾預戒吾之過實不思及此預督將求吾喜喜何曾益覺怛怛增鞠慙

題煙雨樓

祇疑瀛泛到雲來鏡裏樓臺熟路開四面波光煙雨意無邊

春景咏吟材今斯今也昔斯昔柳尚柳兮梅尚梅一讀錢家

書趙句

樓中有錢陳羣書趙孟頫耕織圖詩屏

愴然弗忍更徘徊

宸

翰勒石於煙雨樓下伊志謹案前詩恭摹

遊煙雨樓與梁國治董誥聯句再疊前韻作

御製

所貴省方者休民與察吏間亦涉吟咏

斯復經品第湖平鑑澄心樓迴納遠致放舟帆挂蒲

梁臣

治國

製御

理楫裳集芟餘事問花柳正務課雨霽遺蹟緬元璋

連江記吳地嘉興今雖屬浙地唐以前則吳地也

製御

摘詞座無譁授簡席欲避貌爾慙蚓竅臣董誥

製御

依然答松翠莊恭有續舊韻廢錢陳羣憶西清肆嗟均作古人

慰適豁久翳

四

巡昔未扈再疊今初伺前此四次得扈從茲初與聯句不勝榮幸聖駕南巡臣昔未體

遜藍本藍臣梁國治

製御

攬鮮翠微翠煙雨樓四面遠近俱無山魚躍帶波活鳶飛齊雲遂雉堞郡

城望

蠶箔邨舍暨暇仍

詢倪鋤

憩畧駐義轡眾合萬億迎臣董誥

製御 年越十六繼自乙酉南巡至今庚子凡十六年對時延新景聯句循古事便

與迴舟泛

信得

觀風利

蠲漕普實惠皇上復降旨普免各省漕糧一次登豐驗上

瑞浙江昨歲收成甚豐詎惟拜颺榮臣梁國治

製御 勉守勸示意夙懷酬閱堤深情屢祈歲歌舞漫紛陳夏彥非

嘉興府志

卷首二

天章

星

茲義

勅

敬書上石

伊志謹案前詩梁國治奉

於煙雨寫景卽題其上

宿雨已收際曉雲未泮時斯樓合斯景宜畫復宜詩梅謝砌
餘片柳眠簷眉絲傳神縱非米那可愁過之

嘉興道中作

去時桑葉未抽齊返棹桑陰綠覆低正是蠶忙此鄉最未宜
歸舫更教稽

填潭積土有諧傳

茶禪寺吳越時為保安院宋改景德禪寺
又名三塔寺南巡時賜今名相傳寺為潭
不利行舟來往唐僧行雲填土起塔
三塔而今尚峙然僧侶
之因以名寺土人相沿之說如此

向曾乞題額與名遂舉趙州禪

龍井昨纔述橋事嘉禾今復識堂名

蘇軾訪文長老嘗三過
湖上汲水烹茶後人建

臺因以三過名
之在府城西南再斯可矣三仍再玉局居然未忘情

已收宿雨煙未泮寫景得神更詠詩今日晴明異名實直教
舟過恐程遲

驛致項子京所藏畫卷四種弄之梅檀林之天籟書屋因
成長歌紀事

梅檀林是古佛場莊嚴弗事事淨常亦有書屋築於旁偶多
名同昔子京叶因思樵李稱鑒藏石渠多有其重裝四美具

例董香光董其昌所跋顧愷之李公麟四卷題曰四美具而
弄之建福宮之靜怡軒茲梅檀林之天籟書屋既

與元汴閣名相同因思石渠寶笈所有畫卷曾經元汴鑒藏識以天籟閣印記者甚多乃驛致米芾吳鎮徐賁唐寅四卷合弄書屋中從四美具亦檢四種弄此堂宋元各一明則雙貯其昌鑒藏畫卷例也

雲山煙樹米襄陽真偽疑之未甚詳米芾雲山煙雨卷閱其筆法似小米而非大米曾經跋識及於幀中書之則元則吳鎮四友良眠雲寫自徐竟非宋紙或贗作亦未可知

平江江鄉採蓮圖出唐同珍為去聲製檀屏方項家舊物及凡

荆叶至今散失半存亡四卷何幸聯豐城叶天籟曾有水還

鄉相傳嘉興有還鄉河凡仕宦者多得歸老元汴嘉興人而天籟閣所藏之畫仍得貯於天籟書屋亦有還鄉之意因戲及更欣佳話增山莊

伊志謹案梅檀林之天籟書屋在避暑山莊以與項元汴閣名相同因弄藏米芾吳鎮徐賁唐寅四家畫卷於內時值

駐蹕灤河

宸咏所及更為嘉禾還鄉之水增一佳話恭錄於簡曷勝榮幸云

題項元汴東井硯

項家東井猶餘硯豈是五星所聚會閣亦山莊額天籟避暑山莊

內有閣亦顏曰天籟殊其閒雅用非應

趙元合溪草堂圖乾隆四十六年

堂築碧溪中幽棲樂莫窮無塵到心境有水台天空仗策來

佳友烹茶付野僮非舟不能到見顧阿瑛自識語原是許舟通未二句反

其詩意

題項元汴端石四螭硯

四螭鑑式法炎劉書畫千秋朗鑑收不識當年天籟閣躬行

嘉興府志 卷首二
鑑己亦思不

題煙雨樓二首

攜圖去歲興工始斷手今年歲事勤數典可知自元璪賡詩
更以憶陳羣煙雨樓本錢元璪所創為嘉禾勝蹟向年南巡
屢次經臨時錢陳羣在籍賡和頗多樓中並有
陳羣所書趙孟頫耕織圖詩屏最宜雨態煙容處無礙天高地廣文卻勝南
巡憑賞者平湖風遞芰荷分

十五年違煙雨樓昨春未免惜情投雖然寫景原藏弄

去歲寫煙

雨樓圖一時內府一存浙江茲於山莊內肖圖為之莫若肖形可泳游底論南吳及北

塞敢忘後樂與先憂憑欄俯視清冷鏡武列鴛湖異水不

題陳書撫古冊

昔年尚書錢陳羣進其母陳書所畫此冊有其父綸光題
句時以其家傳手澤題句賜還不忍留也昨因題煙雲集
繪冊見錢選苔茵臥犬憶陳冊似有是圖命取來證之則
實倣選但首尾易其向乃知雪溪家法淵源有自冊內有
陳羣與其子汝誠賡和詩亦成陳蹟良用憮然復題此還
之俾什襲世守云

撫古宣來冊訂疑南樓精到藉因知倡隨夫婦空前品賡和
子孫有後詞羣也老年那久住誠兮少長竟何之憮然寄弄
還鄉水錢氏雲仍慎守斯

題錢陳羣和韻詩冊再疊甲午詩韻

曩年有作寄賡諸望九人勤每手書真蹟難重得致惜誠心
仍此鑒惟譽及門題者復逝彼題冊詩逮此凡四首其三曾命于敏中和韻以其為陳羣之高弟子也今并敏中亦為陳迹彌覺感懷遂合梁國治董誥和之書冊後撫案觀之更戚予七
字聊因識歲月吟鬚無恙鬢霜疎

登煙雨樓卽景

為喜嘉禾樓望意構樓玉塞俯澄瀛適當煙雨呈暑景便拾
級梯攬潤情去歲巡南因省北今朝貴實果循名循名可耳
無須甚時我心中正盼晴

題董誥煙雨樓圖

素壁詞臣命寫圖遂看卽景貌鴛湖是煙是雨真無定為北

為南了不殊何必避嫌云著相果然入妙協清娛春巡昨況
分明在依戀民情畧繼吾

寫煙雨樓圖用去歲煙雨樓圖詩韻

此亦弄懋動殿者

會兩圖臨米

昨歲仿小米為煙雨樓圖凡二一弄嘉禾本處一弄懋勤殿

忽忽已過時茲

於塞之浙亦復畫而詩那辨異同境都饒煙雨絲函三原是
一舊韻偶賡之

題錢載梅花

乾隆四十七年

何事梅花獻侍郎略看畫法校元章疎原有密標高度豔弗
傷清吐暗香點點圈圈俱生意斜斜直直引吟腸南枝亦寫
三五朶似此繁叢覺太忙

題陳書仿王蒙夏日山居圖

詩冊書來圖并陳陳書乃錢陳羣之母陳羣呈進詩冊并進是圖王家荷葉宛同皴

盤中此畫得其所卻我無端憶故人

題陳書仿王蒙箴頭

津水早春羣和去聲詞箴頭其母畫猶遺尚書錢陳羣進其母陳書所做黃鶴山樵

畫扇其一面陳羣手書御製津水早春詞並伊和句靈空妙筆誠堪咏繾綣深情更可

思西墅東邨通不遠千峯萬壑狀尤奇老人豈是師王者自

有心中天地師

題陳書山居圖畫箴

靜宜偷暇偶山居畫箴欣看陳氏書蓋以昔年和詩子得因

此日撫圖予陳書乃錢陳羣之母畫法精妙入神能臨做各家昔年陳羣呈和詩便兼進此扇適其時駐香

山遂弄於此松蒼柏翠清無盡溪繞峯圍靜有餘取法明云自文

壁見陳羣自識語入神處恐彼難知

題宋版陸宣公奏議乾隆四十八年

熟讀東坡進奏篇欣看議疏陸家宣行間字裏通時事曲譬

直陳總道詮一部允當置棊几萬言猶喜見初鐫梁洋失及

忠州遣惜舍何殊天與淵

煙雨樓對雨

摘句茲來欲滅之此次山莊吟咏簡於往歲以秋間恭詣盛京應有紀述功德之作詳見前出古

北口待吟遂至栢旬期五月初九日將及旬矣今朝即景不

孤望便與登樓一賦詩疎點密絲相間作薄寒輒潤細為披

何殊庚子澎湖上屏展陳羣書對時嘉興煙雨樓中有錢陳羣書趙孟頫耕織圖詩

屏是以庚子題詩有一讀錢家書趙句愴然不忍更徘徊之語茲雨中對景不覺追憶前游也

賜江蘇學政謝墉

江浙均為文物鄉非鴻博此任難當雖然尙藻豈其避必也窮經以是覆雅正清真茲已鮮抹塗勦襲亦應防士風淳則民風順教化寧云虛設庠

入浙江境

海塘躬閱此來巡迎送河邊兩省臣疆有其分臨益切民無不愛見尤親春雲尙覺籠午日宿雨已看清路塵麥欲滋膏

蠶欲霽

浙江三月間麥田欲雨蠶桑欲晴故有種麥要雨採桑要晴之諺

兩全難矣豈能均

駐浙江水營疊庚子舊作韻

庚子駐此心不怡嫌其侈費意蹶踈茲來實為仍舊貫

庚子前巡

駐此水營點綴亭臺花木不似江南之從簡有將求吾喜喜何曾益覺怍怍增鞠恧之句茲來早勅地方官不過仍舊有者畧為修理無多費矣花則花而木則木駐營咨政有餘暇偶涉趣成

歸舫宿侈費者本意營私後亦廉知刑以督

前次王直望任用王燧惟務華

侈其意在公假營私以飽慾壑未幾王直望王燧皆以貪贖伏法實咎由自取也

然而用彼誰之過

至今自咎猶恧恧

題煙雨樓

春秋三閱喜重

平聲

來雨意煙情鏡裏開承德何妨摹畫貌

庚子

年南巡旋蹕攜煙雨樓圖歸於熱河傲為之至辛丑工成嘉
情景宛肖有攜圖去歲興工始斷手今年歲事勤之句

興畢竟啟詩材夏中讓彼泛錦菱春季饒茲對玉梅不擬南

巡更臨此鳴榔欲去重去聲徧徧

伊志謹案前詩有甲辰季春疊庚子韻

御題款識恭摹
宸翰勒石樓下

遊煙雨樓與梁國治董誥聯句三疊前韻作

御製

庚子圖樓景肖構敕苑吏

庚子年南巡迴蹕時圖寫樓景以歸於避暑山莊傲為之至辛丑午

落成數典可忘茲

循名因定第真面豁重謀

會心宛一致南湖窗亞梅臣梁國治

御製

北塞漪臨菱詎惟耐煙雨亦復宜晴霽扈從有鄒枚

眺覽離塵地

四詠元璪輸

熱河煙雨樓曰雨曰假山曰真樹

御製四詠曰煙樵李不逮也

三卷襄陽避活畫含空濛

三卷一貯此樓中一歸懋勤宸翰

一貯山莊
臣董誥

御製

清音滌繁吹響鉢非詩壇奪茵擬講肆優游翰墨林

瀟灑松竹翳樗材珥筆仍梓里觀風伺

臣國治臣誥均以浙人兩扈

巡蹕實為詞臣未有之榮遇

恩賜聯句鋪棗劭耕蠶

御製

塗旆卻丹翠敢誇諸政和所願羣生遂海塘深厪念

桑土斯攸堅詢維富教籌綏以剛柔轡悠哉鏡影登臣董

誥

御製

勗爾歌聲繼錢莊胥故人

煙雨樓有錢陳羣所書趙孟頫耕織圖詩屏前壬午乙酉兩次南巡

皆與莊有恭聯句

梁董共新事興適便迴舫

瀾情思涉利俯看魚游樂

樓旁有董其昌題魚樂國三字刻石 凭想禾嘉

瑞蓮島隔雲封

熱河煙雨樓為青蓮島舊址臣梁國治

御製

鼇磯足山意

嘉興百里無山樓前釣鼇磯有石數拳頗具嶙峋之致

賡韻嗣前春罷巡

自今歲

自辛未至今甲辰六巡浙江適符我皇祖南巡次數適可而止不敢過也

六度迅流陰

五字申時義

伊志謹案前詩董誥奉

敕敬書勒石

題庚子寫煙雨樓景卷疊韻

重展前巡卷分明親寫時昔今不隔日煙雨祇饒詩潤景披

銀鑑祕思抽綺絲再三傲米意

庚子春南巡在舟中傲米意寫煙雨樓卷凡二其一弃嘉

禾本處一攜貯宮內懋勤殿又於山莊復做一卷貯熱河煙雨樓中 笑我此耽之

錢陳羣之孫錢端進其曾祖母所畫四子講德及陳羣書

論合卷閱畢還之俾為其家世珍並題是什

王褒四子講德論賢母為圖令子書

錢陳羣之母陳書畫四子講德圖陳羣補書論

卻憶石渠經祕弃俾還香樹作家儲一之為甚豈可再其或

有因益愴予

石渠向存陳書畫四子講德及陳羣書論乃陳羣所進此卷未陳羣跋載其母于五年中曾畫

此圖者再更為確證因思內府既藏其一不忍復留此卷題什還之俾其子孫世守永作家珍亦為藝林增一段佳話也

觸目不堪懷舊處南來老輩半凋疎

降旨寬免浙江杭嘉湖三府正供十分之三詩以誌事

入疆民隱切誨諮積欠概將寬免之昨入江南境即降旨將江寧江蘇安徽各藩司

所屬未完積欠地丁漕項及民借籽種等項共銀米一百三十餘萬全行蠲免並未逢災謝

天 無災則更常完賦慶農時雨暘時而歲美每所當嘉也其

風善寧可靳哉我惠施十以免三正供追浙省附郭之仁和錢塘二縣本年應

徵地丁正項先經降旨概予豁免外因思杭州嘉興湖州三

府蹕途所經復加恩將三府所屬本年因徵地丁錢糧共一百九萬餘兩再行普免十分之三計三十餘萬俾近光黎庶益享盈寧之福 幸茲同樂世雍熙

嘉興道中詠古四首

樵李城

水村處處重農桑樵李誰知古戰場越躡吳顛胥往事遠帆

煙雨望茫茫

三過堂

茶禪數典自三過茶禪寺本吳越保安院宋改景德禪寺俗名三塔寺壬午南巡時用蘇軾訪文長老

三過湖上汲水烹茶事賜改今名 長老烹茶事咏哦文士豪吟殊不少羶薌

何獨萃東坡

岳珂故宅

太守因之寓郡城金陀坊裏尚存名五經萃室珍遺帙宋嘉定中

岳珂守嘉興後寓居郡中金陀坊有金陀粹疑此宅中鈔版編蓋爾時寓郡政暇校刊五經或即其時云

行

天籟閣

樵李文人數上聲子京閣收遺蹟欲充楹明項元汴字子京樵李人好收金石遺文
圖繪名積貯書雲煙散似飄天籟元汴所收書畫有天籟閣處名天籟閣
收甚夥今經其本地反惜其閣與名蹟俱無存矣其印記亦不知其何時久入內府收貯然以此又幸其不落賈人手持假亂明史憐他獨挂名

題陳書長松圖

三百年松孳古枝見陳書自識語寫形女史壁間披若論窗外真松
古甲申題是圖詩有真松窗外綠相對還應弟視之末句反甲申詩
意參天兩翁不識誰兄弟之句

題煙雨樓

象寫鴛湖景最嘉饒他俯檻看荷花設如煙雨中方至著相

內循名儒雨落差

老樹綠雲疑作雨平湖碧靄欲生煙分明樵李暮春况游日
渾如一瞥然

煙雨樓對荷有作

不欲速還時不孤今年山莊荷開畧遲至孟秋始盛放金風玉露錦平鋪闌香
無礙魚樂園嘉興煙雨樓有董其昌書魚樂園三字刻石入畫有如武列湖弗語
閒情超筆墨襲人靜馥滿袍襦試詢錢陳董其昌諸君子煙雨
能同塞景無

題陳書畫扇

林密復山崇結亭宜此中飛泉來落澗懸磴正臨空斯韻聽

嘉興府志 卷之二
宜寂其源望不窮漫嫌無應答謾謾有松風

右幽壑聽泉

筵面纔盈尺何來千里觀能令近為遠豈計易和難插水峯
形疊連天江勢寬未言做誰氏直作富春看內府所藏黃公
有咫尺千里之勢此筵寫
煙江疊嶂彷彿得其筆意

右煙江疊嶂

意寫右丞詩山中首夏時幽居無外事一舫有相知畫中有
客乘船
來訪白鷺驚人去黃鸝選樹移復庵真作者豈獨畫家師

右水田飛鷺

天籟書屋

碧宇寥寥迴太清千林天籟作秋聲雲山四季賞無盡底論
嘉禾項子京

命緩徵浙江去歲被旱州縣詩以誌事

浙雖一省分東西去歲迤東頗豐稔上年浙江之金衢嚴甯
紹溫台處入府秋收均

獲豐迤西數府近歉徽城門殃及逢旱審浙西之杭嘉湖三
府地近歙徽因得

雨較遲收災雖弗重民食貴緩徵借種寧可寢杭嘉湖三府
屬之仁和錢

成致歉塘等十七州縣及杭嚴嘉湖二衛昨歲已降旨將應徵地丁
漕項緩至次年分別帶徵以紓民力茲命再行緩至秋收後

徵收並查明實在貧民酌亦欲實惠被飢民申命有司其勤
借口糧紓種俾得接濟

恁

題陳書畫冊

漫議託根草謂水木謂梅差凌波疎影共橫斜月明林下青邱句早識丰標是一家

右水仙梅花

外直中通性本空遠香輕度鯉魚風女夷賦色初無意此白終須勝彼紅

右白蓮

一片秋江澄不波蘆花沙渚颯婆娑扁舟浮去止亦可莫認漁名張志和

右蘆舟漁艇

竹梧清籟石流泉唱和無心出自然傾耳宮商以外聽小哉

屬詠穎師絃

右坐弄流泉

木芙蓉繼水芙蓉一片秋蟾印晚風蘆荻飄蕭下水鳥來參異異與同同

右芙蓉水禽

吉祥草綠臘梅黃蔬百果霜柿憑占百事昌香樹軒中家慶藹歲朝圖出好韶光

右歲朝圖

陳書山窗讀易圖

欲做叔明讀易圖不期筆法石田俱見圖中慎中下半忽齊自識語

集易理無窮寓此乎

案是幀下半樹屋坡石截然而止紙幅之窮尚餘十分寸之三似有意止之以齊者或老人因易理無窮作畫時故留有餘以寓書不盡言言不盡意之旨乎

天籟書屋

四卷貯斯項氏符

明項元汴貯書畫處曰天籟閣茲書屋所貯元汴賞鑒畫卷凡四米芾雲山煙樹一

吳鎮梅竹松蘭一徐黃眠雲軒圖一輸他閣上富藏圖甲辰

唐寅採蓮圖一均有天籟閣印記云

憶過嘉興路卻惜子京蹟久無甲辰南巡過嘉興惜其閣與名蹟均無存者有雲煙散似飄天籟之句至其印記不知何時收入內府又幸其不落賈人手藉假亂真耳

煙雨樓晴望

澎湖之樓武列上水態雲容不殊狀底須縮地詡仙家游目
暢心胥一樣南巡在春弗在秋秋晴欣獨登斯樓朗峯晃樾
入波面問橋李者能斯不山莊已駐月餘矣霖則為愁霽為
喜今朝即景供慰觀奚必盛名副其美

題陳書山靜日長圖

乾隆五十二年

予西佳句叔明法恰合南樓做老人

見圖中自識語

筆裏有詩聊寓

畫幀中無處不傳神幽居深藉松林護翠巘層鋪荷葉皺為

想當年勤課荻集成香樹果清新

錢陳羣集名香樹集其詩格律清新亦由母教云

題陳書做王蒙夏日山居

山軒古畫復觀陳疊疊雲巖葉葉皴香樹賡吟隨進者撫餘

歎鮮論詩人

天籟書屋

項氏閣無惜甲辰

天籟閣為明項元汴藏書畫處甲辰過嘉禾有雲煙散似飄天籟之句蓋惜其閣與

名蹟俱無存也茲山莊書屋弄藏元汴所賞鑒名畫四卷一米芾雲山煙樹一吳鎮梅竹松蘭一徐賁眠雲軒圖一唐寅採蓮圖俱有天籟閣印記亦可謂名副其實矣幸收四卷副名新卻欣天籟悠然作

掃盡閒心辨假真

浙江巡撫琅玕奏報春花蠶絲收成豐稔詩以誌慰

麥之苗秀資雨哉麥之結實賴晴矣作蠶繅絲喜晴暄適逢

其會成雙美

浙省各府俱種春麥而杭州嘉興湖州三府尤以春蠶為重茲據琅玕奏二麥陸續刈穫春蠶亦俱繅絲其二麥約收分數杭州嘉興紹興温州四府屬俱

九分有餘甯波台州金華嚴州四府屬俱有九分湖州衢州

處州三府屬俱有八分其蠶絲收成分數嘉興府屬九分有餘杭州湖州二府屬俱有九分大概春花春蠶當收成之際

最宜曝曬幸遇天氣晴朗衣食之源吾所厘而絲之源惟浙

爾兩收胥獲九分餘額手同民幸遇此昨知兩江報麥收

上下兩江督臣撫臣奏二麥收成分數俱九分有餘浙江界其南故麥收相仿更南則為閩粵當亦無殊惟日盼奏至以

慰厘念而奏風氣至浙南迤邐復南則為閩粵疆均似茲乎

到畧遲耳

一心企
題陳書倣王蒙夏日山居

王氏名蹤陳仿之重陰如蓋四鄰披山莊避暑弗居此

每歲夏至後即啟蹕避暑山莊長夏山居之圖於此詩本看時同在茲處似不相稱然斯圖斯境斯時三即一耳

浙江布政使顧學潮報春花蠶絲收成豐稔詩以誌慰

田協霑膏蠶協晴九分兩得報收成

顧學潮報浙江各屬春雨霑足大麥陸續登場

小麥亦俱結實飽綻春蠶漸次成繭現據查明各府州縣春

花蠶絲收成分數杭州嘉興寧波紹興溫州五府屬二麥約

九分有餘湖州金華嚴州處州四府屬二麥約有九分台州

衢州二府屬二麥約八分有餘統計通省二麥收成九分有

餘杭州嘉興二府屬蠶絲收成亦九分有餘田功需澤蠶事需晴茲

晴雨各協並獲足衣食酬民願旰食宵衣慰我情護撫司

豐收實堪慰慶

藩合申奏撫篆收成分數例得陳奏慎微戒滿益盟誠封

章南北多吉語昨據福康安奏安南阮惠進表乞降茲又據

臻洵屬大順欣慰自問何修幸畏并

之下敬畏益深

浙江巡撫琅玕奏報春花蠶絲收成豐稔詩以誌慰

一日披觀兩奏摺浙江巡撫琅玕奏報春收與江南總督浙

書麟奏報安徽麥收之摺同日披覽

稱收麥更兼蠶據琅玕奏浙省二麥收成杭州嘉興湖州甯

溫州四府屬計九分台州處州二府屬計八分有餘統計通

省麥收共九分有餘又奏杭州嘉興湖州三府屬養蠶之處

收成九分有餘統計通省蠶收亦九分有餘等語該省麥收

計比安徽較優兼以蠶絲豐裕有關民生衣食不淺覽奏深

為慶慰哉衣食資民計額慶維箴戒滿談

松霞室題陳書畫軸

巖松擘畫各軒軒霞舉答相謾籟翻女史古圖經屢詠笑予
於此未忘言
題陳書傲王蒙夏日山居
春朝重看夏山圖綠樹濃陰足靜娛但得精神契倪篔底須
景概較同殊

題煙雨樓

山莊駐蹕將半月煙雨樓凡幾度憑窗矣每孤賁厥實幸哉
今乃副其稱遠峯欲與白雲合平阪纔看綠草增興寄澎湖
阿那畔遜他時若麥蠶登近據浙撫奏杭嘉湖三府雨暘時
若今歲麥蠶收成俱有九分此間
得雨稍遲
較遜於彼

題女史陳書寫生十幀

崇蘭倚石

寫花倚石亦恆為獨以幽蘭乃覺宜屈子之香孫氏介相清
氣味且深思

仙杏含葩

淺紅嫩綠郁相扶畫則趙昌江少虞事實類苑稱趙昌善畫
花自號寫生趙昌宣和畫譜有

昌杏花
圖一詩則吳融含蕾多於放英者意之不盡在斯乎

虎耳叢芳

團葉居然似雙耳芳叢何礙寫於菟設如絜矩履其尾三四
之間凶吉殊履之六三九四俱不中不正履乾之剛然三以
柔而志剛故有咥人之戒四則以剛居柔故能
愬愬終吉是戒
懼之為益大矣

香林翠羽

薇紅卮白各為觀生意爛斑正未闌誰謂六根泯禽類一枝
託處愛林蘭

雲根秋錦

石竹金萱各冶榮一峰側畔託秋清西風斜日相過處颯沓猶聞金石聲

淶池初照

不為工緻為瀟灑面目本來卻飾修設以濂溪定名論應於隱逸傳中求

蒲塘介士

蒲塘霜後正酣肥勃窣平沙樂晚暉介士名稱高位置可知亦有橫去聲行譏

蓼汀蛺蝶

秋意寥蕭到蓼汀玉腰小柱喜丁星看他栩栩如方醒上聲便

台南華試著經

丹楓穩宿

一枝楓樹已經霜好鳥來非翥與翔試問杜家得句者於斯究竟孰閒忙

仙珮凌波

洛神賦裏得神餘皎皎如兼淡淡如結搆總無巾幘氣知伊人特醉詩書

煙雨樓對荷作

花盛原因開以遲樓陰一片綺紈披屈為信理固宜是淡弗華高乃在茲鹿苑不妨恣游奕鴛湖豈必較參差設如座喻

對君子香樹依稀與論詩

香樹錢陳羣號向年每游嘉興煙雨樓常與之談詩宛然如昨也

浙江巡撫福崧奏報春花蠶絲豐收情形詩以誌慰

乾隆

五十七年

奏章披浙撫民福普西東

浙省以江屬十成數也 麥均稔

府三蠶並豐

福崧奏浙省各屬地方入春以來晴雨得宜農桑並利現在二麥陸續登場春蠶亦

已成繭所有二麥收成分數計九分有餘者杭州嘉興湖州

甯波金華五府屬九分者紹興衢州嚴州温州四府屬八分

有餘者台州處州二府屬統計通省麥收共九分有餘望南

至杭州嘉興湖州三府屬蠶絲收成均屬九分等語

天籟書屋口號

固慰意盼北切憂衷 京畿左近二麥固已歉收然北地重在

秋收尚屬可望而不雨日

甚一日憂慙不可言矣 因亦人情悟緩遐急近同

林既梅檀屋天籟絕塵色與不凡聲畫中詩即詩中畫笑彼

珍藏項子京

浙江巡撫長麟奏春雨霑足詩以誌慰

乾隆五十八年

入境甘膏遇上旬重霑各屬更宜春

長麟前奏正月初五日抵任所有經過嘉興杭

州二府屬於初二初三等日業經得雨霑足今又據奏十三

四等日省城一帶復被甘膏入土更為優渥其近省之嘉興

湖州紹興各府屬並報十三四及十七八

等日得雨極為深透米糧各價亦俱平賤

去稔卜麥蕤喜被均南暖雨滋昨徵報 雨澤是以朱珪昨奏

安徽省城亦於正月月初 北寒雪積近齊陳

今日又據吉慶奏 姑蘇一帶獨

旬中旬節次得雨深透 以雪積二寸有餘北地

六辰刻始而密雨繼之以雪積二寸有餘北地

候寒故仲春尚或霏雪其為利益農田則均也

關奏督撫寧忘命驛詢

江蘇界浙江山東之間當可一律均

旨馳

題陳書仿王蒙夏日山居

邇年避暑必山莊長幅當前滿意涼香樹獻詩兼獻畫陳書乃尚

書錢陳羣之母陳羣家居時呈進和詩之便并獻是圖香樹陳羣號也迴思談學浙雲茫

浙江巡撫長麟湖南巡撫姜晟各奏報麥收分數詩以誌

慰

湖南收早浙收晚奏異近遙到卻同湖南氣候較暖於浙江

距京四千五百餘里浙江止三千三百餘里是以姜晟四月

月初十日所發之摺與長麟四月十八日所發之摺卻同於五

月初六統以八分有餘計據姜晟奏湖南省宜麥之區向止

方舊臘今春雪澤雨水優霑入夏後晴霽經旬二麥大有禱

益現已刈穫登場查收成九分者沅陵等二縣八分有餘者

茶陵永明等八州縣八分者湘陰道州等十八州縣七分有

餘者華容等三縣通省麥收計八分有餘其大田禾苗益見

茂發農民爭相蒔插田功大起歌聲四野氣象恬舒等語又

據長麟奏浙江省春雨充足二麥菜豆長發暢茂現俱一律

收成內九分有餘者甯波府屬九分者紹興金華衢州温州

四府屬八分有餘者台州嚴州處州三府屬七分有餘者杭

州嘉興湖州三府屬通省春花計收成八分有餘等語二省

春收均在八分以上洵可謂之中豐民食得此接濟當益寬

裕雖非上稔實中豐浙嫌寒畧惜蠶遜又據長麟奏稱杭州

矣雖均約收七分有餘因四月初旬天氣稍寒是以未能十分

絲盛雖衣食俱關小民生計而食尤重於衣幸收麥不致有

減為之湖喜雨露起穡功日食日衣總民要殷殷孰不切關

題陳書長松圖

江南塞北原無涉室裏山中若有期女史或知此意否七章

佛偈早言之

浙江巡撫長麟奏報早禾收成九分詩以誌慰

早晚二禾例各報早收欣悅晚之成九分實足近上稔

據長麟奏

浙江省甯波衢州處州台州金華嚴州紹興温州杭州等府
 屬本年所種早禾甚廣五月內雨水雖多各該府地勢高阜
 並無妨礙六月以後暄潤得宜長發愈覺暢茂所有各府收
 成九分有餘者甯波衢州處州三府屬九分者台州金華嚴
 州温州四府屬八分有餘者紹興杭州屬之仁禾錢塘海甯
 三州縣暨嘉興湖州二府地勢較低向來多種晚禾現亦長
 發青葱將來亦五縣仍教並緩徵又據稱湖州府屬之烏程
 可望其豐收五縣仍教並緩徵又據稱湖州府屬之烏程
 縣沿湖沿河之低田因五月間雨水較多湖河泛溢禾苗不
 免受傷雖現已播種雜糧農民僅敷糊口等將應完漕糧一
 并輸納小民未免拮据等語已即降旨將應徵漕米及新舊
 錢糧加恩緩徵統於來年收成後分作二年帶徵以紓民力
 蓋此歉收之地雖不及通省十分之一而朕心肯以此豐忘
 無不軫念惟一有諱飾則民隱無由上達矣

彼歎最嫌為諱勗陳誠愛民惟是籌農要曉夜孜孜此屏營

天籟書屋作歌自詠

大笙小約籟居中子京意弗用厥庸益之曰天寓吹萬胥任

自取將無同然而一再識古蹟秀水之天籟閣項元汴鑿藏

萬自取之言隱寓忘己之意然即其鑒謂云忘已瞞莊翁一

之為甚其可再而我何事尋彼踪作歌撫卷聊自詠元汴所

每鈐以天籟閣印記是處書屋既仿其名因即於續石渠寶

笈書畫內有經元汴印識鑒藏者數種貯其中意為循名即

當責實但元汴既徒藉其名而子復踵尋其踪偶一撫卷亦

堪自諷若謂此書屋即秀水之閣不必存分別見則又非彘

轂所能置之秀水辯安窮

浙江巡撫吉慶奏報早禾收成八分有餘詩以誌慰

昨歲九分今八餘亦堪稱稔慰心舒吉慶奏浙省夏間雨水調勻六月以後更為暄潤得宜早禾倍加暢茂現俱陸續成熟所有各屬收成數九分有餘者金華嚴州二府屬九分者温州府屬八分有餘者杭州紹興台州衢州處州五府屬七分有餘者寧波府屬統計各府早禾收成實八分有餘該省上年早禾收成九分今歲雖分數少減尚中雖欠上實為幸北則遜南惜弗如方稱中稔堪為農慶 畿南齊北及豫省之大河以北秋間以雨水過多田禾多被淹浸雖近據各督撫奏除窪地被水外其高阜處所亦尚有收然通省率算究不能無減則遠遜南省矣 況得春蠶收報盛更欣晚稼茂過聲初又據奏杭州府屬之仁和錢塘海寧三州縣暨嘉興湖州二府地勢較低向皆種植晚禾現亦青葱芄茂等語此三府向來最重蠶絲今春已獲豐盛南瞻豈不同浙樂齊豫燕而晚稼亦可一律稔收更深欣慰

民切憫予 浙江巡撫吉慶奏報春花蠶絲收成分數詩以誌慰

乾隆

六十年

麥與蠶絲衣食原可能偏廢總心存浙之所重異他省麥卻宜涼蠶喜暄事有不齊慎調劑幸逢一致慰黎元八分胥報稱中稔據吉慶奏浙省春雨充足二麥正當揚花之時又值連日晴霽現在次第收穫所有各屬收成分數八分有餘者湖州寧波處州三府屬八分者杭州紹興金華衢州温州五府屬七分有餘者嘉興台州嚴州三府屬合省統計麥收約有八分其杭嘉湖三府屬蠶事自三月下旬以來慶天氣和暖最為得宜現在陸續成繭收成亦約八分有餘 共民同叨

吳恩

登煙雨樓卽事

昨過廣仁嶺西東農畢見麥薺未逮熟禾黍則耕遍生機究

欠潤炎風況時扇羣言可待時我意微覺旱叶湖樓肖嘉興

煙雨其名善南巡實每副北駐亦屢眷是樓制肖駕湖浙中

副其名山莊望雨時登斯樓亦率有雨試之屢驗斯登匪為游希即甘露琿

高宗純皇帝御製文

陸贄論

治有不生於治之日亂有不生於亂之時有國家者宜正其本而辨之於早也我讀史至唐德宗之時謂朱泚之亂不生於姚令言而生於用盧杞復唐之功不在於用李晟而在於信陸贄天下之治亂社稷之安危在於人君用一人由是觀之用人可不慎哉當奉天之難天下反者十四五藩鎮擁強

兵虎視中原而朱泚兵勁將強圍城累月其破圍解難冒矢石觸鋒刃以救帝復國者固李晟渾瑊諸將之功而經營大計調和天下使諸鎮人人思慕唐德者非陸贄之功其誰之功歟故曰復唐之功不在於用李晟而在於信陸贄也贄為人剛方嚴正而有經世之才其奏疏皆可行可法措之於天下者有治安之效大抵以仁義為本根貨財為末務論深切於世情言不離於道德至於君子小人之分忠厚苛刻之別推誠任術之判未嘗不反復為德宗言之故在奉天之時悉聽其言而藩鎮畏威梁州再幸道路相失號痛如失左右手及天下畧平大難畧定乃置於閒散者數年雖命為相不能

嘉興府志 卷首二
信用又聽裴延齡之讒而貶於遠州蓋君子小人之分若此其難雖贄反覆言之而身亦不免於廢黜也順宗卽位復欲用之詔未至而歿惜哉

吳鎮硯銘

墨華吐沛時雨

金廷標畫羅漢贊

手持青蓮欲拱金鉢需水沃之澗泉飛沫日水有與是謂邪見曰鉢有取是何神變取與胥幻水鉢非二諮諸應真善哉
遊戲

金廷標畫古佛贊

見身無實了如心幻海印發光盤鄰指按伽黎不着偏袒右肩優曇樹側晏坐巖間諸魔伏盡亦無伏者波旬怒目意若弗下演三乘畢示萬法空無不可可遊戲圖中

金廷標畫羅漢贊

大澤深山宴坐平石童子炷香各適其適如意在手非有非無意亦強名如何爲乎

高宗純皇帝御書

賜在籍工部侍郎范璨扁 乾隆十六年

松巖樂志

賜煙雨樓聯

乾隆二十七年

嘉興府志 卷首二
船泛春波天上坐
樓稱煙雨霽中來

賜本覺寺扁

本覺寺

賜茶禪寺扁聯

茶禪寺

標示三乘

湧塔同參法華品

試茶分證趙州禪

賜在籍刑部尚書錢陳羣扁

香山耆碩

賜在籍工部侍郎范璨扁 乾隆二十年

耆英介景

賜禮部侍郎陸費墀之母趙氏扁 乾隆四十八年

蘭陔慶表

賜關帝廟扁 乾隆四十九年

聲靈綏佑

以上扁聯

賜在籍刑部侍郎錢陳羣 乾隆二十二年

臨米帖

賜在籍刑部尚書錢陳羣 乾隆三十年

臨顏真卿自書告身

以上卷幅

高宗純皇帝御畫

賜在籍刑部侍郎錢陳羣 乾隆二十五年

橋梓圖

御題詩屏識 恭載在前

幸煙雨樓 乾隆二十七年

御筆墨梅

賜在籍刑部尚書錢陳羣

竹根如意圖

御題詩屏識 恭載在前

賜兵部侍郎錢汝誠

傲文徵明疎林茅屋圖

御題詩即用徵明元韻 詩云

消閒戲墨勝分茶
詎論倪黃各擅家
楓岸卻如吟小杜
茅齋雅稱讀南華
度橋詩意行勝草
映座生春佛鉢花
古樹幾梢煙靄澹
晚來隨分噪歸鴉

賜在籍刑部尚書錢陳羣 乾隆二十九年

石芝圖

御題詩并識 恭載在前

賜在籍刑部尚書錢陳羣 乾隆三十六年

做梁楷潑墨法

幸煙雨樓 乾隆四十五年

御筆做米芾意寫煙雨樓圖

御題幀首寫心寄趣四字

御製詩 恭載在前

伊志謹案乾隆四十五年

南巡至嘉興於一御舟中做米意寫煙雨樓卷凡二其一弄嘉興之煙雨樓一貯

宮內之

懋殿殿復於

避暑山莊仿寫一卷貯

熱河之煙雨樓詳見

御製詩注 仁宗睿皇帝御製詩 乾隆四十九年

恭和

御製題庚子寫煙雨樓景卷原韻

高樓開碧沼

游豫好春時景足供煙雨

題仍寄畫詩波光涵玉鏡柳色冒晴絲千古澎湖上

奎文永煥之

嘉興府志卷首二

嘉興府志

卷首二

天章

三

